

說文解字義證

說文解字第八 義證第二十五

曲阜桂馥學

匕 變也從到人凡匕之屬皆從匕

呼跨切

變也者本書老從此云匕言須髮變白也廣雅變匕也經典通作化易繫辭擬議以成其變化禮中庸動則變變則化白虎通火之為言化也陽氣用事萬物變化也本書匕從匕云匕合也周禮大宗伯以禮樂合天地之化

未 未定也從匕彐聲彐古文矢字

語期切

未定也者當為定也未字後人加經典通作疑詩桑柔靡所止疑傳云疑定也上昏禮婦疑立於席西注云疑正立自定之貌鄉飲酒禮賓西階上疑立注云疑讀為伋然從於趙盾之伋疑然立自定之貌鄉射禮賓升西階上疑立注云疑正也有矜莊之色莊子達生篇用志不分乃疑于神

𠂔 倮人變形而登天也從匕從目從匕八所乘載也

側鄰

切

靈石楊氏某

呂氏春秋先己篇凡事之本必先治身尙其大寶用其新棄其陳腠理遂通精氣日新邪氣盡去及其天年此之謂真人
淮南精神訓所謂真人者性合於道也故有而若無實而若虛處其一不知其二治其內不識其外明白太素無爲復
撲體抱神以游於天地之樊然彷彿於塵垢之外而消搖於無事之業浩浩蕩蕩乎機械之巧弗載於心是故臥生亦大矣而不爲變雖天地覆育亦不與之珍抱矣
鵬鳥賦真人恬漠兮獨與道息釋智遺形兮超然自喪
素問黃帝曰余聞上古有真人者提挈天地把握陰陽呼吸精氣獨立守神肌肉若一故能壽敝天地無有終時其道生
鬼谷子外篇化有五氣也志也思也神也德也神其一長也靜和者養氣養氣得其和四者不衰四過威勢無不爲存而舍之是謂神化歸於身謂之真人
莊子老子古之博大真人哉文子天地之間有二十五等人上伍有神人真人又云得天地之道故謂之真人也
司馬子坐忘樞翼篇鍊形爲氣名曰真人
天隱子神解篇本一性而言謂之真如抱朴子明本篇昔赤松子王喬琴高老氏彭祖務成鬱華皆真人
瑞命記采食神芝則延年不終與真人同
黃庭經積精累氣

以爲真 參同契改形免世厄號之曰真人 眞誥練形於
太陰易貌於三官受學化神濯景易氣俯仰四運得爲真人
太上經混茫之氣變化爲真人與時翱翔有名無體又云
玉清者如玉堅不可毀淨不可污也堅淨無變穢累都盡一
而無雜故名爲真人 太上正法經九眞者九天之眞氣凝
而成也上中下三眞生於太清是元始之澄氣也 大洞經
從生得道從道得仙從仙得眞從眞得爲上清君 昇元經
惟須中直尋道求眞改惡從善得爲真人 祕要經太清九
宮甚高總稱曰道君次稱眞人眞卿 太眞科上品曰聖中
品曰眞下品曰仙 登眞隱說立夏之日日中五帝於紫微
宮見四真人 舊唐書元宗紀天寶元年詔莊子號南華眞
人文字號通元眞人列子號沖虛眞人庚桑子號同虛眞人
所著書改爲眞經 寰宇記南昌縣有十二眞君宅 隸續
五君栢梓文有眞人君洪氏云六經無眞字獨於諸子見之
延熹中蔡邕作王子喬碑及仙人唐公房碑皆有眞人之稱
矣 戴侗曰經傳無眞字惟列御寇莊周之書有之自莊列
始有眞人之名始有長生不歿而登雲天之說 顧炎武曰
五經無眞字始見於老莊之書老子曰其中有精其精甚眞
莊子漁父篇孔子愀然曰敢問何謂眞客曰眞者精誠之至
也大宗師篇曰而已反其眞而我猶爲人猗列子曰精神離

形各歸其真故謂之鬼鬼歸也歸其真宅漢書楊王係傳曰
臥者終身之化而物之歸者也歸者得至化者得變是物各
反其真也說文曰真僊人變形登天也徐氏繫傳曰真者仙
也化也從匕匕卽化也反人爲匕從目從匕其乘也以
生爲寄以歿爲歸於是真人有真真君真宰之名秦始皇曰吾
慕真人自謂真人不稱朕魏太武改元太平真君而唐元宗
詔以四子之書謂之真經皆本乎此也馥案漢書楊惲傳
真人所謂鼠不容穴街窰數者也李奇曰真入正人也
僊人變形而登天也者李善注江賦引作仙人變形也廣
雅仙匕也淮南齊俗訓今夫王喬赤松子吹嘔呼吸吐故
內新遺形去智抱素反真以游玄眇上通雲天今欲學其
道不得其養氣處神而放其一吐一吸時詘時伸其不能
乘雲升假亦明矣參同契惟昔聖賢懷元抱真伏煉九昇
化迹隱倫含精養神通德三光津液腠理筋骨緻堅衆邪
辟除正氣常存累積長久變形而仙真誥太一主仙變也
所謂化遁三辰顛回月精呼吸萬變非復故形者也抱朴
子明本篇夫得僊者或昇太清或翔紫霄僊藥篇餌丹沙
千日司命削去外籍與天地相畢日月相望改形易容變
化無常魏書釋老志乃有白日昇天長生世上又云謙之
厥體引長弟子量之八尺三寸三日已後稍縮至飯量之

長六寸於是諸弟子以爲尸解變化而去不舛也南齊書
顧歡傳佛號正真真會無生又云仙變成真真變成神神
仙傳壺公將兩弟子去積年兩弟子皆隱變解化西城王
真人傳解化之道尸不能俱神仙者也玉符經二十四真
圖五岳之靈寶也能得之必能仙去飛步太清通鑑王僧
虔曰若得同歸九泉猶羽化也注云羽化猶言登仙神仙
家所謂飛昇也通志六書畧片字下云臣按道家謂順行
則爲人逆行則爲道人舛則歸於土道則離人故能變化
而上升從已者淮南精神訓是故真人之所游若吹呴
呼吸吐故納新熊經鳥伸鳧浴鰻躡視虎顧其養形之
人也不以滑心故形有摩而神未嘗化者以不化應化千
變萬珍而未始有極化者復歸於無形也不化者與天地
俱生也從已者本書与匿
也象退曲隱蔽形讀若隱

古文真

汗簡引
作死

化

教行也從匕從人匕亦聲

呼跨切

教行也者華嚴經音義引同五音集韻也變也也教化行也化之在人增韻凡以道業誨人謂之教躬行於上風動於下謂之化書大誥肆子大化誘我友邦君樂記化民成俗老子我無為而民自化漢書敘傳敗俗傷化

文四 重一

化

集韻引化古作化類篇同案太元陰陽啟化其變亦白

遺文一

相與比敘也從反人匕亦所以用比取飯一名柶凡

匕之屬皆從匕 卑履切

相與比敘也者本書畧比用也馥謂正垣界即上敘意詩車攻浚拾既飲箋云謂手指相次比也大射儀遂比三耦注云比選次之也鄉射禮遂以比三耦於堂西注云比選次其才相近者也周禮宰夫凡禮事贊小宰比官府之具

注云比校次之疏云校次之使知善惡足否也大行人秋
覲以比邦國之功注云比其功之高下野廬氏比修除道
路者注云比校治道者名若今次金紋丈功昭二十八年
左傳擇善而從之曰比服注比方損益古今之宜而從之
趙策人比然而後知賢不鮑注言人必以類相比乃可知
韓詩外傳高比所以廣德也下比所以狹行也比於善者
自進之階比於惡者自退之原漢書儒林傳公孫宏比輯
其義也下亦所以用也取飯一名櫛者本書校下云七頃
頃也下云象米也所以扱之自下云象嘉穀在裏中
之形也所以扱之櫛下云禮有櫛櫛也廣雅櫛也急
就篇搏棊搏號七箸簣顏注七匙也亦謂之櫛易震卦不
喪匕鬯王注匕所以載鼎實正義陸績云匕者棘匕撓鼎
之器先儒皆云匕形似畢但不兩岐耳以棘木為之長二
尺刊柄與末詩云有捩棘匕是也用棘者取其赤心之義
祭祀之禮先烹牢於鑊既納諸鼎而加羃焉將薦乃舉羃
而以上出之升於俎上故曰匕所以載鼎實也詩大東有
捩棘匕傳云匕所以載鼎實少牢饋食禮雍人概鼎匕俎
于雍饗廩人概瓶願匕與敦于廩饗注云匕所以匕黍稷
者也疏云上雍人云匕者所以匕內此廩人所掌米故云
匕黍稷也字或作杜士喪禮乃杜載載兩髀于兩端注云

古文札為匕又或作批雜記批以桑長三尺或曰五尺刊其柄與末注云批所以載牲體者此謂喪祭也吉祭批用棘釋文批音匕本亦作批音同陳祥道曰匕之別有四有黍稷之匕有疏匕有挑匕有喪匕三匕以棘喪匕以桑少牛廩人之所概黍稷之匕也饗人之所概牲體之匕也牲體之匕挑匕也

匕

匕也從匕是聲切

匕也者廣雅同一切經音義十五通俗文匕或謂之匙方言匕謂之匙王隱晉書石勒時謠云一杯食有兩匙通鑑劉備方會失匕箸注云匕匙也字或作銀後漢書隗囂傳牽馬操刀奉盤錯銀遂割牲而盟注云前書漢遺韓昌等與單于及大臣俱登諾水東山荆白馬單于以徑路刀金甌犁撓酒應劭云甌犁飯匕也以匕攪血而飲之今亦奉盤措匙而飲也又通作提地理志朱提蘇林曰提音時北方人名匕曰匙

匕

相次也從匕從十錫從此切

博抱

相次也者徐鍇曰五家為卑也使之相次比也十其總率也昭十六年左傳庸次比耦通作保周禮大司徒令五家

為比使之相保 從十
者本書什用什保也

𦘒

頃也從匕支聲匕頭頃也詩曰岐彼織女

去智切

匕頭頃也者刺刃匕首似之 詩曰岐彼織女者小雅大東文彼作岐傳云岐隅貌

𦘓

頭不正也從匕從頁

去營切

頭不正也者禮記頭容直注云不頃顧也謂必中也詩卷耳不盈頃筐釋文韓詩云頃筐敝筐也

𦘔

頭體也從匕匕相匕箸也𦘔象髮肉象𦘔形

奴皓切

頭體也者三國典畧俗云五月五日生者𦘔不壞爛俗作𦘔傳二十八左傳晉侯夢楚子伏己而盥其腦子犯日也止柔之矣杜云腦所以柔物元命苞人精在腦韓詩外傳萬息萬百里奚不見納繆公出當車以頭擊闢腦乃精出 𦘔象髮者本書晉下云𦘔象髮謂之髻髻即𦘔也子下云古文作𦘔从𦘔象髮也籀文作𦘔肉有髮 肉象𦘔形者本書肉 頭會𦘔蓋也

𠄎

望欲有所庶及也從匕從下詩曰高山仰止

伍岡切

望欲有所庶及也者庶當為度廣韻仰望也欲有所度晉語重耳之叩君也若黍苗之叩陰雨也長門賦意慷慨而自叩漢書王章妻謂章不自激叩或通作仰戰國策東周之民可令一仰西周注云有望於上則仰晉段灼上疏張禹低仰於五侯之間詩曰高山仰止者小雅車輦文彼作仰箋云有高德者則慕仰之

𠄎

高也早上為卓下為仰皆同義

竹角切

高也者玉篇卓卓高兒也今作卓法言顏苦孔之卓後漢書祭遵傳卓如日月注云卓高也

𠄎

古文卓

𠄎

𠄎也從匕目猶目相匕不相下也易曰𠄎其𠄎匕目

為𠄎匕目為眞也

古恨切

𠄎也者鄭注易艮卦艮之言很也易曰𠄎其𠄎者艮卦文釋名艮很也時未可聽物生限止之也匕目為𠄎者

當云目匕爲目 匕目爲眞也者眞從匕不在此部李燾
本改作匕亦非曾見古銅印文曰張青旨印疑古有旨字

文九 重一

𠂔

相聽也從二人凡从之屬皆從从

疾容切

相聽也者徐錯本作相聽許也本書許聽也西周策寡人
請以國聽高注聽从也通作從玉篇許從也禮王制變禮
易樂者爲不從孔子閒居
氣志既從注云從順也

𠂔

隨行也從辵從从亦聲

慈用切

隨行也者本書隨从也从當作從旅下云从俱也俱下云
倩也易隨卦釋文隨從也詩丰序男行而女不隨既醉從
以孫子箋云從隨也觀禮侯氏遂從之注云遂隨使者以
至朝周禮都長徒于他邑則從而授之注云從猶隨也檀
弓如有從而弗及學記又從而庸之注竝云從猶隨也雜記
弔非從主人也緇衣言從而行之注竝云從猶隨也論語
從我於陳蔡者又從我者其由與隱六年左傳從自及也
昭二十八年傳欲觀叔向從使之收器者杜注竝云從隨

也莊十三年公羊傳曹子手劒而從之注云從隨也

𠄎

相從也從从开聲一曰从持二為𠄎

府盈

相從也者釋詁拊從也

泉賦以延韻成同例

一曰从持二為𠄎者當云从持二

干為𠄎言此說與諧聲異

文三

𠄎

密也二人為从反从為比凡比之屬皆從比

毗二切

密也者本書周密也案劉向日禹稷與皋陶轉相汲引不為比周考工記函人橐之而約則周也注云周密致也洪範人無有比德傳云比周之德六韜羣邪比周而蔽賢齊策從人朋黨比周荀子強國篇不比周文十八年左傳是與比周注云比近也周密也顏注急就篇云櫛之小而細所以去蟣蝨者謂之比言其周密比也易序卦訟必有眾故受之以師眾必有所比比故受之以比韓康伯曰眾起而不比則爭無息必相親比而後得寧也書伊訓比頑童泰

誓昵比罪人詩椒聊碩大無朋傳朋比也正義朋黨也比謂阿比朋亦比之義故以朋為比也周禮形方氏大國比小國注云比猶親也緇衣大臣不治而邇臣比矣注云比私相親也論語君子周而不比鄭注忠信為周阿黨為比閔元年左傳屯固比入注云比親密所以得入文十七年傳以陳蔡之密邇於楚注云密邇比近也襄三年傳立其子不為比昭三年傳燕大夫比以殺公之外嬖杜云比相親比哀十六年傳卜人比而告公曰君有大臣在西南隅弗去懼害腹謂密告公也晉語博能上下比之大臣在西南隅者比而不黨魏志袁紹傳審配逢紀與辛評郭圖爭權配紀與尚比評圖與譚

古文比

比

慎也從比必警周書曰無愆于比

兵媚切

慎也者釋詁文書召誥愆祀于上下傳云為治當慎祀于天地洛誥倅來必殷傳云使已來慎教殷民大誥天罰愆我成功所傳云天順勞我周家成功所枉又云天亦惟用勤忘我民傳云天亦勞慎我民欲安之康誥汝勗愆殷獻

臣傳云汝當固慎殷之獻臣信用之詩小志傳箋并云步
慎也桑柔為謀為步傳云步慎也周書曰無步于卹者
大諾文
彼作恤

文二 重一

𠂔

𠂔也從二人相背凡北之屬皆從北

博墨切

𠂔也者本書前戾也馥謂二人相背𠂔戾之象書武成前
徒倒戈攻于後以北桓九年左傳以戰而北杜云北走也
釋文北一音佩嵇康音胸背吳語吳師大北注云軍敗奔
走曰北北古之背字漢書高帝紀沛公項羽追北服虔曰
師敗曰北韋昭曰北古背字也背去而走也顏注北陰幽
之處故謂退敗奔走者為北老子曰萬物向陽而負陰許
慎說文解字云北乖也史記樂書曰紂為朝歌北鄙之音
朝歌者不時北者敗也鄙者陋也是知北即訓乖訓敗無
勞借音韋昭之
徒拉為妄矣

𠂔

北方州也從北異聲

几利切

輝地兩河閒曰冀州李巡曰兩河閒其氣清厥性相近故曰
冀冀近也書舜典肇十有二州傳云舜分冀州為幽州并
州複案晉地道記舜以冀州南北太廣分燕地北為幽州爾
雅九州有冀幽而無并郭注以為殷制蓋殷分冀州之東北
以為幽而并州之地仍屬冀禹貢冀州既載正義冀州於
九州近北周禮職方河內曰冀州醜案史記正義古帝王
之都多在河東河西故河北稱河內河南稱河外河從龍門
南至華陰東至衛州東北入海曲繞冀州故言河內河東之別
古者河北之地皆謂之河內自戰國魏始有河內河東之別
而秦漢因之以置郡周禮所謂河內不止河內郡地也春
秋元命苞昂畢閒為天街散為冀州分為趙國立為常山
班彪冀州賦望常山之義義登北嶽而高游揚雄冀州箴
洋洋冀州鴻原大陸嶽陽是都密夷皮服犀浚河流表以碣
石三后攸降列為侯伯盧毓冀州論冀州天下之上國也
東河以上西河以來南河以北易水以南膏壤
千里天地之所會陰陽之所交所謂神州也
北方州也者韻會引徐鍇本無州字錯曰北方之州也本
書因加州字增韻冀北方也釋訓朝北方也書五子之歌
惟彼陶唐
有此冀方

文二



土之高也非人所為也從北從一一地也人居在𡶗

南故從北中邦之居在崐崙東南一曰四方高中央

下為𡶗象形凡𡶗之屬皆從𡶗

徐鍇本邱在𡶗下部紋云背而眾故

去鳩切

土之高也者廣雅小陵曰北易坎卦地險山川邱陵也書禹貢是降邱宅上傳云地高曰邱周禮大司徒辨其山林川澤邱陵注云土高曰邱呂氏春秋季夏紀注邱高也非人所為也者釋邱非人為之邱李巡云謂非人力所為自然生者從一一地也者風俗通義謹按尚書民乃降邱度土堯遭洪水萬民皆山棲巢居以避其害禹浚江疏河民乃下邱營度爽塏之場而邑落之故邱之字二人立一上一者地也人居在𡶗南故從北中邦之居在崐崙東南者本書無崐崙字河字下作昆侖河圖括地象崐崙在西北其高萬一千里崐崙東南地方五千里名神州中

𡵓 古文從土

有五山帝王居之張衡靈憲崑崙東南有赤縣之州風雨有時寒暑有節苟非此土南則多暑北則多寒東則多陽西則多陰故聖王不處焉王嬰古今通論崑崙東南方五千里謂之神州州中有和美鄉方三千里五岳之城帝王之宅聖人所生也 一曰四方高中央下為𡵓象形者此孔子命名之義也史記孔子世家禱於尼邱得孔子生而首上圩頂故因名曰邱云字仲尼索隱圩頂言頂上廡也故孔子頂如反字反字者若屋宇之反中低而四旁高也

𡵓 大𡵓也崑崙𡵓謂之崑崙虛古者九夫為井四井為

邑四邑為𡵓𡵓謂之虛從𡵓𡵓聲 邱如切又

𡵓居切

大𡵓也者大荒經西海之南流沙之濱赤水之後黑水之前有大邱名曰崑崙邱 崑崙𡵓謂之崑崙虛者崑崙山記崑崙山一名崑崙邱釋邱三成為崑崙邱釋地西北之美者有崑崙虛之璆琳琅玕焉西次三經崑崙之邱是實惟帝之下都海內西經崑崙之虛方八百里高萬仞水經崑崙墟在西北去嵩高五萬里地之中也龍魚河圖崑崙

山天中柱也郭璞崑崙邱贊崑崙月精水之靈府惟帝下
都西羌之宇傑然中峙號曰天柱古者九夫為井四井
為邑四邑為里者周禮地官小司徒文服虔注左傳引司
馬法九夫為井四井為邑四邑為邱有戎馬一匹牛三頭
是曰匹馬邱牛孫子作戰篇財竭則急於邱役又云邱牛
大車注云邱謂邱邑之牛詩信南山維禹甸之箋云禹治
而邱甸之昭四年左傳鄭子產作邱賦哀十一年傳則以
邱亦足矣注並云邱十六井禮器唯社邱乘其案盛注云
邱十六井也里謂之虛者易升卦升虛邑馬云邱也存
秋倍三十一年衛遷於帝邱杜云故帝顓頊之虛故曰帝
邱漢書賈誼傳凡十三歲而社稷為虛顏注虛謂邱墟十
三州志朱虛丹朱游故虛故云朱虛也虛猶邱也朱猶丹
也



反頂受水里從里泥省聲

奴低切

反頂受水里者徐鍇曰頂當高今反下故曰反頂又獮下
云傳多言孔子反宇作此獮字云頭頂四崖峻起象尼邱
山桓六年左傳申繻說命名之義云以類命為象注云若
孔子首象尼邱論衡詰術篇其立名也以類名為象若孔

子名邱也水經注沂水出尼邱山元和志泗水縣尼邱山
在縣南五十里叔梁紇禱尼邱而生孔子顏氏家訓仲尼
居三字之中兩字非體三蒼尼旁益邱說文尸下施几後
漢書高獲傳為人尼首方面注云尼首首象尼邱山中下
四方高也或通作泥隸釋夏堪碑仲泥釋邱水潦所止泥
邱郭云頂上污下者玉篇引作𡵓云本亦作泥釋名水潦
所止曰泥邱其上污
水流不去成泥也

文三 重一



眾立也從三人凡𡗗之屬皆從𡗗讀若欽峯

魚音切

眾立也者周語人三為眾漢書功臣表三人為眾左傳衛
人立晉眾也 讀若欽峯者本書峯山之岑峯也李翕碑

脩峻嶽

之道



多也從𡗗目眾意切

之仲切

汗簡古文作𡗗云見

說文韻謂當從𡗗

說文解字義證

卷二十五

十

連筠移叢書

多也者釋詁文 從人目眾意者韻會引徐鍇
本從人從目目亦眾意復謂條目綱目皆眾意

會也從人取聲邑落曰聚才句切

會也者帝王世紀禹會塗山當塗縣有禹聚襄二十八年
左傳慶封奔吳吳句餘子之朱方聚其族焉而居之邑
落曰聚者徐鍇本有一日二字本書鄭河東間喜聚廣雅
聚落居也一切經音義六案聚眾也謂人所聚居也漢書
無燔聚落是也管子立政篇五部命之曰聚聚者有市無
市則民乏史記五帝本紀一年而所居成聚正義聚謂村
落也秦本紀并諸小鄉聚正義聚猶村落之類也漢書平
帝紀聚曰序張晏曰聚邑落名也韋昭曰小鄉曰聚史丹
傳聚戶于一百如淳曰聚邑居也鼂錯傳調立城邑為中
州虎落鄭氏注虎落者外蕃也顏注以竹蔑相連遮落之
古文苑僅約往來
市聚注云虛聚也

眾詞與也從人自聲虞書曰眾咎繇其冀切

書禹貢暨魚史記漢書並作眾又胡南暨漢志
引作眾 隋書文學傳序四隩咸眾九州攸同

衆詞與也者廣韻引作衆與詞也釋詁暨與也書無通爰
暨小人鄭注暨與也春秋昭十年暨齊平定十年宋公之
弟辰暨仲佗石彊出奔陳杜注並云暨與也隱元年公羊
傳會及暨皆與也一切經音義七暨類云暨古文作𡗗字
林暨及也韻藻西京賦左暨河華薛綜注暨言及也東京
賦於斯得泊又澤泊陶流薛並云泊及也虞書曰泉𡗗
𡗗者舜典文彼作暨泉陶史記
作與泉陶漢書人表作𡗗𡗗

泉古文泉

文四 重一

𡗗 善也從人土士事也一曰象物出地挺生也凡壬之

屬皆從壬他鼎切

善也者本書重從壬厚也廣韻重善也 土事也者本書
土下云事也 一曰象物出地挺生也者廣韻挺挺出月
令荔挺出徐鍇本生下有
古文從壬生艸木安生也

徵

召也從徵省壬為徵行於徵而文達者即徵之

陟陵切

召也者釋言文周禮宰夫掌百官府之徵令注云別異諸官以備正之徵召宣九年左傳王使來徵聘注云徵召也宣十七年傳徵會于齊注云徵召也從徵省壬為徵者字鑑引作從徵省從王六書故同行於徵而文達者即徵之者韻會引徐鉉本文作聞集韻同本書微隱行也惠棟曰荀子行微如日月忠誠於內資於外形於四海所謂行於微而聞達者也覆案論語在家必聞在邦必聞

徵

古文徵

望

月滿與日相望以朝君也從月從臣從壬壬朝廷也

無放切

月滿與日相望者望當為望一切經音義三引作望望望替相近釋名望月滿之名也月大十六日小十五日日在東月在西遙相望也經典通作望書召詰惟二月既望傳云二月十五日日月相望疏云于月之半月當日衝光照

圓滿而嚮相當猶人之相望故名望也真小正傳望也者
月之望也淮南子月十五日與日相望易林日月相望法
言五百篇月未望則載魄於西既望則終魄於東其週於
日乎論衡四諱篇八日月合宿謂之晦詩天保正義日月相
望謂之望三十日日月合宿謂之晦詩天保正義日月相
朔交會俱右行於天日遲月疾從朔而分至三日月去日
已當二次始舛魄而出漸漸遠日而月光稍長八日九日
大率月體正半昏而中似弓之張而弦直謂上弦也後漸
進至十五十六日月體滿與日正相當謂之望云體滿而
相望也通鑑注月有弦望後漢律歷志分天之中相與爲
衡謂之望謂月望日月正相對其平如衡準望之言義反
諸此以朝君也者六書故引作臣朝君也馥案臣弓形
近初誤爲弓又改作以徐鍇曰日君也月臣也是鍇本亦
作臣字詩十月之交傳云月臣道日君道柏舟日居月諸
箋云日君象也月臣象也東方之日傳天君明於上若日
也臣察於下若月也哀公問如日月東西相從而不已也
是天道也注云日月相從君臣相朝會也春秋元命包月
盈而闕者詘鄉尊朱均曰詘還也尊君也漢書李尋曰夫
日者衆陽之長人君之表也月者衆陰之長妃后大臣諸
侯之象也白虎通日尊於月也鄭注尙書大傳日君象也

月臣象也公羊解詁月生三日而成魄臣道就也 王
朝廷也者本書朝廷中也風俗通廷者國家朝廷也

臣王古文聖省

太元寇謹其戶即
聖字從古文聖

王近來也從爪王王微幸也 余箴切

近來也者王篇至濫貪也 王微
幸也者本書微幸也中庸作微

文四 重二

重厚也從壬東聲凡重之屬皆從重 柱用切

類篇古文作𠔁

厚也者玉篇厚重也廣雅重皮厚朴也
易繫辭夫茅之為物薄而用可重也

重稱輕重也從重省𠔁省聲 呂張切

廣韻量呂張切量度又力讓切合升斗斛謂非器不能量
度故名其器曰量義實同也漢書律歷志量者龠合升斗
斛也所以量多少也木起於黃鐘之龠用度數審其容以子
穀秬黍中者千有二百實其龠以井水準其槩合龠為合十
合為升十升為斗十斗為斛而五量嘉矣其法用銅方尺而
闊其外旁有鹿房其上為斛其下為斗左耳為升右耳為合
龠其狀似爵以麋爵祿上三下二參天兩地圓而兩方左一
右二陰陽之象也其圖象規其重二鈞備物之數合萬有一
千五百二十晉中黃鐘始於黃鐘而反覆焉君制器之象也
書辭典同律度量衡鄭注量斗斛論語謹權量包注量
斗斛也家語五帝德篇設五量注云五量權衡斗斛八丈
里步十百昭三年左傳齊舊四量豆區釜鐘四升為豆各
自其四以登於釜釜十則鐘陳氏三量皆登一焉鍾乃大矣
以家量貸而以公量收之故人歸之月令日夜分則同量
度鈞衡石注云斗斛曰量王制度量數制注云量斗斛也
明堂位頌度量而天下大服注云量謂豆區斗斛筥筥所
容受大傳立權度量注云量斗斛也孫子算術量之所
起起於粟六粟為一圭十圭為一撮十撮為一抄十抄為一
勺十勺為一合十合為一升十升為一斗十斗為一斛斛得
六千萬粟淮南時則訓同度量注云量釜鍾通典魏初
兌文釋字彙登

杜夔造斛卽周禮所謂嘉量也深尺方尺實一鬴

稱輕重也者本書料量也洪武正韻量概度多少也符子
胡人獻燕昭以大豚王令衡官橋而量之漢書王莽傳白
煒象平考量以銓管灼曰萬物無不成形於西方大小輕
重皆可知故稱量屬焉馮衍遂志賦弃衡斤而意量兮

古文量

汗簡引作

量屬目部

文二 重一

卧

休也從人臣取其伏也凡臥之屬皆從卧

吾貨切

休也者休息也日出而作日入而息釋名臥化也精氣變
化不與覺時同也從人臣取其伏也者本書臣象屈服
之形服伏通左傳既伏其罪矣

𡇗

臨下也從臥𡇗省聲

古衡切

書太甲天監厥德傳云監視也詩賓之初筵既立之監
節南山何用不監傳云監視也皇矣序天監代殷箋云監
視也莊三十二年左傳明神降之監其德也呂氏春秋
季冬紀乃命四監收秩薪柴注云四監者周制天子畿方千
里之內分為百縣縣有四郡郡有一大夫監之

臨下也者方言監察也詩皇矣監觀四方求民之莫節南
山何用不監箋云女何用為職不監察之周禮太宰邦國
立其監注云謂公侯伯子男各監一國王制天子使其大
夫為三監監於方伯之國注云使佐方伯領諸侯監臨而
督察之也閔二年左傳冢子君行則守有守則從從曰撫
軍守曰監國古之制也魯語長監於世靈樞經陽明之上
監監然嶠省督者五
經文字監從臥下血

監古文監從言

從言者本書

督亦從言

監臨也從臥品聲力尋切

靈石楊氏栞

監臨也者釋詁臨視也詩大明上帝臨女箋云臨視也昭
三十二年左傳韓簡子臨之以為成命雜記上客臨注云
臨視也莊子天運篇監臨下土天下戴之地理志潁川郡
臨潁潁曰監潁左馬翊臨晉潁曰監晉西河郡臨水潁曰
監水朔方郡臨河潁曰監河安定郡臨
涇潁曰監涇鬱林郡臨塵潁曰監塵

𡇗 楚謂小兒嬾𡇗從臥食

尼厄切

楚謂小兒嬾𡇗者王篇楚人謂小兒嬾曰𡇗本書嬾一曰
臥也徐鍇本亦曰臥食馥謂臥食即𡇗字誤分為二廣雅
𡇗嬾也後漢書桓帝紀監寐寤歎劉陶傳不能監寐袁紹
傳監寐悲歎馥疑監為𡇗之譌高僧傳明瓚禪師性懶而
食殘號嬾殘本
書𡇗讀若𡇗

文四 重一

𡇗 躬也象人之身從人𡇗聲凡身之屬皆從身

失人切

躬也者本書躬身也釋詁躬身也釋名身伸也可屈伸也
書呂刑罔有擇言在身表記作躬詩烝民王躬是保箋云

躬身也周禮大宗伯侯執信圭伯執躬圭注云信當為身
聲之誤也身圭躬圭蓋皆象以人形為瑑飾文有縵縵曰
欲其慎行以保身也考工記梓人為侯上兩個與其身三
注云身躬也 尸聲者韻會引徐鉉本作申省聲申猶文
作昌省作尸白
虎通申者身也

軀

體也從身區聲 登俱切

體也者廣韻體四支也釋名軀區也是眾名之大
總若區域也荀子勸學篇曷足以美七八之軀哉

文二

𠂔

汗簡古文身
云見說文

遺文一

𠂔

歸也從反身凡身之屬皆從𠂔 於機切

歸也者依歸也惠棟曰古依字作身殷從身故讀殷聲如依也馥案中庸壹戎衣鄭注衣讀如殷聲之誤也齊人言殷聲如衣高誘注慎大覽云今兗州人謂殷氏皆曰衣魏書釋老志佛道其始修心則依佛法僧謂之三歸梵書作飯依馥案飯依即歸身唐李頤禪房開梵詩始覺浮生無住著頓令心地欲歸依

殷

作樂之盛偁殷從身從爻易曰殷薦之上帝

於身

作樂之盛偁殷者廣雅殷大也釋名朔望祭曰殷奠所用殷眾也書呂刑惟殷于民傳云殷盛禹貢九江孔殷鄭注殷猶多也詩漆洵殷其盈矣傳云殷眾也成十六年左傳方事之殷也注云殷盛也襄二十二年傳殷以少牢注云殷盛也文二年公羊傳五年而再殷祭注云殷盛也禮記外傳禘祫謂之殷祭注云殷多盛也易曰殷薦之上帝者豫卦文正義用此殷盛之樂薦祭上帝也釋文殷馬云盛也

文二

依

依也上曰衣下曰裳象覆二人之形凡衣之屬皆從

衣於稀切

呂氏春秋勿躬篇胡曹作衣淮南修務訓胡曹為衣高云

胡曹黃帝臣世本胡曹作衣未衣注黃帝臣也淮南記

論訓伯余之初作衣也高云伯余黃帝臣世本曰伯余制衣裳

依也者衣依聲相近玉篇上曰衣下曰裳衣者隱也又依

也所以形軀依也釋名衣依也人所依以庇寒暑也文子

聖人衣足以益形以禦風寒上曰衣下曰裳白虎通衣者隱也裳

未明顛倒衣裳傳云上曰衣下曰裳白虎通衣者隱也裳

者郭也所以隱形自郭開也易曰黃帝堯舜垂衣裳而天

下治何以知上曰衣下曰裳以其先言衣也詩曰褰裳涉

漆所以合為衣也弟子職言摳衣而降也帝王世紀黃帝

始去皮服為上衣以象天為下衣以象地通典上古穴處

衣毛未有制度後代以麻易之先知為上以制其衣後知

為下復制其裳衣裳始備黃帝堯舜垂衣裳蓋取諸乾坤

故衣玄而裳黃秀觀輩翟草木之華乃染五色始為文章

以表貴賤而天下理象覆二人之形者孫觀察星衍曰

二人當為二人左古文作𠂔𠂔案喪服記衣二尺有二寸

注云此謂袂中也言玄者明與身參齊二尺二寸其袖足

以容中人之肥也本書裔古文作齊表古文作饒皆誤

裁制衣也從衣戈聲昨哉切

擇言裁節也論語不知所以裁之又云不以禮節之廣易泰象傳后以財成天地之道釋文財荀作裁喪大記夷衾質殺之裁注云裁猶制也秦策大王裁其罪高云裁制也楚詞惜誓為螻蟻之所裁注云裁制也通作才趙策今有城市之邑七十願拜納之於王惟王才之

制衣也者制衣二字當合為製字類篇裁製也廣雅裁制也本書製裁也鶚冠子天則篇夫裁衣而知擇其工東京賦服者焉能改裁李善引賈逵國語注裁制也魏舊事楊平善裁袴以官絹百疋作小袴百枚郭子孫興公道曹輔佐才如白地明光錦裁為負板袴非無文彩然苦無裁製

天子高先王卷龍繡於下幅一龍蟠阿上鄉從衣公

聲古木切

天子宮先王卷龍繡於下幅者衮卷聲相近周禮司服享
先王則衮冕注云鄭司農云衮卷龍衣也王藻龍卷以祭
注云龍卷畫龍於衣字或作衮釋名衮冕衮卷也畫卷龍
於衣也考工記畫績之事五采備謂之繡書益稷千欲觀
古人之象日月星辰山龍華蟲作會宗彝藻火粉米黼黻
絺繡以五采彰施于五色作服鄭注會讀為綸綸讀為綦
綦綌也白日月至黼黻凡十二章天子以飾祭服凡畫者
為繪刺者為繡此繡與繪各有六衣用繪衮用繡觀禮天
子衮冕注云衮衣者裨之上也績之繡之為九章其龍天
子有升龍有降龍郊特牲王被卷以象天釋文卷本又作
衮同詩九罭衮衣繡裳傳云衮衣卷龍也采菽玄衮及黼
衮云玄衣而畫以卷龍也桓二年左傳衮冕黻珽杜云衮
畫衣也正義畫衣謂畫龍於衣祭服玄衣纁裳詩稱玄衮
是玄衣而畫以衮龍衮之言卷也謂龍首卷然荀子富國
篇故天子株綌衣冕注云綌字與衮同畫龍於衣謂之衮
禮公自衮冕而下如王之服侯伯自鷩冕而下如公之服
春秋左傳諸侯舛於王事加二等於是衮斂謂以上公
禮也然則慎所謂上卿即周禮公也斂案上公衮無升龍
見觀禮注鄭注司常云諸侯畫交龍一象其升朝一象其

下復馥謂交龍故有升有降上卿袞一龍故有降無升王
制三公一命卷注云卷俗讀也其通則曰袞三公八命矣
復加一命則服龍袞郭注爾雅龍旗云畫白龍於繆令上
向本書或因此致誤公晉者釋言袞黼也釋文袞古木
反說文云從衣從台也台羊頭反或云從公衣干祿字書
袞袞上通下正佩鵬袞從台增韻袞充皆從台俗書作公
與公之公不同魏受禪碑襲袞龍漢韓勅碑兗州從事
王純碑君請詔喪豫督趣軍糧借衣為兌隸書曰人不分
故多變體

𡗗

丹穀衣從衣𡗗聲

知扇切

北堂書鈔引古詩細綺為上袞經典借展字周禮內司服
掌王后之六服褱衣揄狄闕狄鞠衣展衣緣衣素沙先鄭云
展衣白衣也喪大記曰世婦以檀衣檀與展音聲相近似
三禮圖展衣王后以禮見王及賓客之服鄉大夫之妻服以
助君祭也馥案本書當有或體作檀玉篇檀與袞同玉藻
一命檀衣雜記下大夫以檀衣注云檀周禮作展又注內司
服云展衣字當為檀檀之言直亶誠也

丹穀衣者詩君子偕老其之展也
傳云禮有展衣者以丹穀爲衣

衾

翟羽飾衣從衣俞聲一曰直裾謂之檐榆

羊朱

翟羽飾衣者周禮內司服掌王后之六服有揄狄注云狄
當爲翟翟雉名江淮而南青質五色皆備成章曰翟王后
之服刻繒爲之形而采畫之綴於衣以爲文章玉藻夫人
揄狄注云揄讀如搖翟雉名也三禮六服圖揄狄王后從
王祭先公之服也侯伯之夫人服以從君祭宗廟刻青翟
形采畫綴於衣一曰直裾謂之檐榆者晉書晉義引字
林直裾曰檐榆急就篇檐榆拾攷檀栒顏注檐榆直裾
櫛衣也謂之檐榆者取其檐櫛而寬裕也廣雅櫛櫛櫛櫛
檐榆也小爾雅廣服檐榆謂之童容方言檐榆江淮南楚
謂之櫛櫛白關而西謂之檐榆其短者謂之短榆漢書司
馬相如傳曳獨鵠之榆袿張揖曰榆檐榆也雋不疑傳衣
黃檐榆顏注檐榆直裾櫛衣桓譚新論余從長安歸道病
蒙絮被絳罽檐榆東觀漢記更始在長安所官爵多羣小
或繡衣而錦袴檐榆又云鮑永好文德雖將軍常衣皁檐
榆又云王阜爲益州太守大將軍竇憲以絳罽檐榆與阜
不受又云耿純率宗族賓客衣縑檐榆奉迎世祖及卽位

詔賜純七尺絳檐榆一具遍讓別傳孔融薦於魏武曰適讓為九州之衣被則不足為單衣檐榆則有餘張衡四愁詩美人贈我貂檐榆

修

玄服從衣衿聲

切之忍

玄服者增韻引作衿服徐鍇本同鍇曰衿黑也鄒陽書曰趙人衿服叢臺之下衿服盛服也馥案本書無衿字玉篇衿黑衣也戴侗曰士冠禮曰兄弟畢衿玄注云古文為均衣裳皆玄也說文曰衿玄服也漢郊祀服皆衿玄蔡邕曰衿紺繒也吳都賦曰衿皂服也漢儀注大夫郎諸屬官守令丞皆皂衣京兆尹張敞白稱備皂衣二十餘年侗謂皂近於玄乃玄之變也古人上衣皆玄以象天禮言衿玄漢言衿玄衿與衿相近必有一誤馥案左傳衿服振振服皮曰衿服黑服也閒居賦服振振以齊玄李善云說文曰衿玄服也音均今左傳作均釋文云均字書作衿淮南子尸祝衿衿漢書王莽紺衿服此衿字之證也三禮圖傳母婚禮從者衿衣月令乘玄路注云今月令曰乘軫路軫即衿此衿字之證也玉篇衿戎服也吳都賦六軍衿服五經文字衿論語作衿禮記作振案論語當暑衿絺綌孔曰暑

則單服玉藻振絺綌注振讀為袵孟子被袵衣趙注袵畫
也被畫衣黼黻絺綌也此則竹袵不訓玄服各出異義

袵
袵或從辰

或從辰者振當為袵篆辰形近誤為振參辰聲近遂誤為
袵之或體經典袵均並見形聲相近未聞作振也廣韻袵
通貫切后衣釋名袵衣袵然黑色也上喪禮袵衣注云黑
衣裳赤緣之謂袵袵之言緣也古文袵作緣周禮王后六
服有袵衣注云雜記曰夫人服稅衣掄狄又喪大記曰上
妻以袵衣言袵者甚微字或作稅此緣衣者實作袵衣也
緣衣御于王之服亦以燕居男子之緣衣黑則是亦黑也
緣字之誤也詩綠衣箋云綠當為袵袵衣黑以素沙為裏
今反以黃為裏
非其禮制也

衾
上衣也從衣從毛古者衣裘以毛為表

切
陳矯

上衣也者一切經音義二引三蒼表外也詩小弁不屬于
毛不離于裏論語必表而出之說苑子思居於衛緇袍無
表晉書賜袍表于端古者衣裘以毛為表者木書裘與
裘同意新序魏文侯出游見路人反裘而負芻文侯曰胡

車內移裝書

爲反裘而負芻對曰臣愛其毛文侯曰若不知其裏盡而毛無所恃耶漢書匡衡傳是有狐白之裘而反衣之也顏注反衣之者以其毛在內也裘上有衣謂之楊玉藻君衣狐白裘錦衣以楊之又云裘之楊也見美也左傳衛太子數渾夏夫之罪以其袒裘爲不敬五經要義古者著裘於內而以緇衣覆之乃加以朝服會之時袒其朝服見裘裏覆衣謂之楊楊之言露可見之辭所以示美呈好而爲飾加以朝服謂之襲袒謂之楊大裘不覆反本取其質也

古文表從鹿

衣從二
人誤

里心衣內也從衣里聲

良止切

衣內也者顏注急就篇衣外曰表內曰裏廣雅內裏也詩邶風綠衣黃裏漢書賈誼傳白縠之衣薄紈之裏

負兒衣從衣强聲

居兩切

負兒衣者一切經音義五博物志以爲襁織縷爲之廣八寸長尺二寸以負小兒於背上論語極負其子是也管類

襁小兒被子也。苞注論語負者以器曰襁也。皇氏疏曰：襁者以竹爲之，或云以布爲之。今蠻夷猶以布帋裹兒負之。背也。馥案：貴州雲南婦人負兒，操作或遠行，皆用布裹於背，未見用竹者。大戴禮保傳篇：昔者周成王幼在襁褓之中，賈誼書成王生仁者，養之孝者，襁之。漢書宣帝紀：曾孫雖在襁褓，李奇曰：襁，絡也。以繒布爲之，絡負小兒。顏注：襁，卽今之小兒繒也。後漢書清河孝王虔傳：鄧太后以幼帝襁抱，注云：襁以繒帛爲之，卽今之小兒繒也。魏受禪表：襁褓之孤，或借強字。史記魯世家：成王少在襁褓之中，索隱：強，葆卽襁褓。古字可假，借用之。正義：襁，闊八寸，長八尺，用約小兒於背而負行，又或作繒。畢子明鬼篇：鮑幼弱在荷繒之中。呂氏春秋明理篇：道多極，繒注云：繒，樓搭上繩也。言民繒負其子，走道跛而散去。漢書王莽傳：成繒褓之功。後漢書中郎剛傳：始免繒褓。匡謬正俗：按孔子云：繒負其子而主謂以繩絡而負之，故謂繒褓耳。



衣領也。從衣，棘聲。詩曰：要之襪之。

已力切。

衣領也者，廣雅：襪謂之襪。詩曰：要之襪之者，魏風葛屨文傳云：襪，領也。

襦

繡領也從衣暴聲詩曰素衣朱襮

蒲沃切

靈石楊氏

繡領也者蕭該漢書音義引字林作繡衿按玉篇衿衣衿也方音和飾謂之直衿謂婦人初嫁上服釋器繡領謂之繡郭云繡刺繡文以繡領士昏禮被繡注云卿大夫之妻刺繡以為領如今偃領矣詩曰素衣朱襮者唐風揚之水文傳云繡領也諸侯繡繡丹朱中衣又素衣朱繡傳云繡繡也

衽

衣衽也從衣王聲

如甚切

衣衽也者後漢書傅燮傳注引同玉篇衽裳際也衣衽也若頤解詩衽謂裳際所及交列者也馥案列玉藻注作裂釋名衽衽也衽旁襜褕然也喪服記衽二尺有五寸注云衽所以掩裳際也二尺五寸與有司紳齊也上正一尺燕尾二尺五寸凡用布三尺五寸成十七年左傳抽戈結衽杜云衽裳際昭二十五年公羊傳以衽受何云衽衣下裳戴君震曰禮玉藻篇衽當旁鄭注云衽謂裳幅所交裂也凡衽者或殺而下或殺而上衽屬衣則垂而放之屬裳則縫之以合前後上下相變深衣篇續衽注云續衽屬也衽在裳旁者也屬連之不殊裳前後也

𦑑

衽也從衣婁聲

力主切

衽也者廣韻襖衣襟玉篇襖衣衽裳際也廣雅衽謂之縷
方言縷謂之衽郭注衣襟也釋器衣梳謂之視注云衣
郭注即衣衽也釋器衣梳謂之視注云衣
縷也齊人謂之攄邢疏云衣縷木或作縷

𦑒

衽也從衣叔聲

於胃切

衽也者哀十一年左傳置之新篲製之以玄纁杜云裳薦
也馥案廣韻引文字音義衽臥席也土昏禮御衽于奧注
云衽臥席也若子達生篇
衽席之上釋文衽臥衣也

𦑓

衽緣也從衣妻聲

七入切

衽緣也者本書總縷衣
也玉篇縷裙緣上也

𦑔

交衽也從衣金聲

居音切

交衽也者後漢書馬援傳注引同聲類衽交領者也或作
衽方音衽謂之交注云衣交領也詩青青子衽傳云青青

說文解字義證

卷二十五

五

連筠移叢書

青領也。顏氏家訓詩言：青，青子。衿，傳曰：青衿，青領也。學子之服。按古者斜領，下連於衿，故謂領為衿。孫炎《郭璞注》：爾雅：曹大家注：列女傳：並云：衿，交領也。又作襟，新序：衽襟，則肘見。釋器：背謂之襟。郭注：交領，釋名：襟，禁也。交於前，所以禁禦風寒也。

韋

韋，蔽軀也。從衣，韋聲。《周禮》曰：王后之服，褙衣謂畫袍。許

謂之蔽軀也者，廣雅同。方言：蔽軀，江淮之間謂之褙。自關東西謂之蔽軀，或借褙字。鄭語：王使婦人不褙而諫之。韋云：裳正幅曰褙，急就篇：裳，韋不借為牧人。王補注：韋一作褙。裳正幅曰褙。《周禮》曰：王后之服，褙衣謂畫袍者。天官內司服：掌王后之六服。褙衣，揄狄闕狄，鞠衣，展衣，緣衣，素沙。注云：鄭司農云：褙衣，畫衣也。祭統曰：君卷冕立于阼，夫人副褙立于東房。揄狄，闕狄，畫羽飾也。謂狄當為翟。褙衣，畫翟者。揄狄，畫翟者。闕狄，刻而不畫。此三者皆祭服。從王祭先王，則服褙衣。祭先公，則服揄翟。祭羣小祀，則服闕翟。釋名：王后之上服曰褙衣。畫翟，雉之文於衣也。玉藻：王后褙衣。

注云禱讀如

輩崔雉名也

𦑑

襲袂也從衣夫聲

甫無切

襲袂也者廣韻袂衣前襟玉篇袂襲袴也

𦑑

左衽袍從衣𦑑省聲

似入切

左衽袍者李善注王命論引作重衣也又注廣經交論引作冑也按重衣者樂記周還錫襲禮之文也王藻服之襲也充美也冑也者哀十年左傳卜不襲吉曲禮卜筮不相襲是也急就篇擔綸袷袷袷禪顏注裙謂重衣之最在上方者也其形若袍短身而廣袖一曰左衽之袍也

𦑑

籀文襲不省

從二人誤

𦑑

襦也從衣包聲論語曰衣弊緇袍

薄衣切

襦也者釋言文釋名袍丈夫著下至跗者也袍也袍內
 衣也急就篇袍襦表裏曲領帶顏注長衣曰袍下至足跗
 方言衰明謂之袍注引廣雅衰明長襦也詩無衣與子同
 袍傳云袍襦也喪大記袍必有表不禪後漢與服志袍者
 或曰周公袍成王宴居故施袍禮記孔子衣逢掖之衣縫
 掖其袖合而縫大之近今袍者也論語曰衣弊緼袍者
 彼作



袍衣也從衣蘭聲以絮曰襦以緼曰袍春秋傳曰盛

夏重襦

古典切

袍衣也者或通作繭雜記子羔之襲也繭衣裳注云繭衣
 裳者若今大襦也按玉篇屬長襦也以絮曰襦以緼曰
 袍者釋名繭繭也負者著衣可以幕絡絮也玉藻繭為繭
 緼為袍注云衣有著之異名也緼謂衣絲也緼謂今緼及
 舊絮也春秋傳曰盛夏重繭者襄二十一年左傳方暑
 闕地下冰而牀焉重繭衣裳杜注繭絲衣正義繭是袍之
 別名謂新繭著袍故云繭衣也

𦃟

南楚謂禪衣曰𦃟從衣葉聲

徒叶切

南楚謂禪衣曰𦃟者字或作𦃟方言禪衣江淮南楚之間謂之𦃟關之東西謂之𦃟衣楚詞九歌遺余𦃟兮澧浦王注𦃟𦃟𦃟也又借𦃟字廣雅縹𦃟衣也

𦃟

衣帶以上從衣矛聲一曰南北曰𦃟東西曰廣

其候切

一曰南北曰𦃟東西曰廣者後漢書光武紀注引同廣雅小爾雅竝云𦃟長也史記楚世家從某至某廣𦃟六里漢書溝洫志𦃟二百里賈捐之傳廣𦃟可千里顏注竝云𦃟長也何奴傳築長城之固延𦃟萬里羽獵賦周𦃟數百里西京賦量經輪考廣𦃟或借由字韓詩東西耕曰從南北耕口由

𦃟

𦃟文𦃟從𦃟

𦃟

帶所結也從衣會聲春秋傳曰衣有𦃟

古外切

帶所結也者左傳釋文引同春秋傳曰衣有𦃟者昭十一年左傳衣有𦃟帶有結杜注𦃟領會結帶結

𦃟𦃟 絲也詩曰衣錦褰衣示反古從衣𦃟聲

去穎切 靈加楊氏棐

絲也者中庸衣錦尚絅釋文詩作褰士昏禮被穎黼注云
 穎也疏云此讀為詩云褰衣之褰故為褰也又姆加景
 注云景之制蓋如明衣加之以為行道禦風塵令衣鮮明
 也景亦明也疏云詩云衣錦褰衣裳錦褰裳鄭云褰褰也
 蓋以褰穀為之詩詁今詳詩之褰記之綱昏禮之穎景音
 義皆通皆嫁時在塗之衣也玉藻褰為絅注云有衣褰而
 無裏呂氏春秋淫辭篇昔吾所囚者紡緇也今子之衣褰
 緇也以褰緇當紡緇子豈不得哉腹謂紡緇絲也褰緇絲
 也詩曰衣錦褰衣者衛風碩人鄭風丰文同碩人傳云
 錦衣加褰褰箋云褰褰也丰箋云上加褰穀為其文之大
 著也本書絲下引詩衣錦褰衣程君瑤曰國風兩言褰
 衣鄭氏据玉藻以褰衣釋之於丰之詩又申之以褰穀按
 釋名狀穀如栗如沙謂其形踈踈然也余意古人穀或織
 絲麻為之說文一作絲衣一作褰衣而以絲釋褰云示反
 古蓋中庸尚絅之義宋玉諷賦主人之女騎承日之華披
 翠雲之裘更被白縠之單衫其衣錦褰衣之謂乎然則褰
 衣者褰衣而織麻為之者也
 與子產所獻紵衣暑同與

𦑔

祗欄短衣從衣氏聲

都分切

祗欄短衣也者本書儒短衣也廣雅祗欄襜褕也方言汗襦自關而西謂之祗欄自關而東謂之襦宋楚之間謂之襜褕或謂之襦儒楚詞九辨被倚欄之宴宴兮注云欄祗欄也若襦褕矣後漢書羊續傳其資藏惟有布衾祗欄

𦑔

衣被祗欄者六書故引作衣被廣韻被破服也淮南人間訓遇盜拊其衣被本書欄謂之檻樓方言南楚凡人貧衣破醜敝謂之須捷或謂之樓裂或謂之檻樓

都半切

衣被祗欄者六書故引作衣被廣韻被破服也淮南人間訓遇盜拊其衣被本書欄謂之檻樓方言南楚凡人貧衣破醜敝謂之須捷或謂之樓裂或謂之檻樓

𦑔

欄謂之檻樓檻無緣也從衣監聲

魯甘切

欄謂之檻樓者方言欄謂之檻郭注祗欄敝衣亦謂檻樓宣十二年左傳筆路藍縷杜云藍縷敝衣服虔云言其縷破藍縷然英雄記幽州刺史劉虞藍縷繩屨束皙近遊賦服索裙曳藍縷檻無緣也者本書檻楚謂無緣衣也方言楚謂無緣之衣曰檻又云襜褕以布而無緣敝而紩之謂之檻樓小爾雅襜褕布褐而紩之謂之藍縷

直均多義等

脩

無袂衣謂之脩從衣脩省聲

徒臥切

無袂衣謂之脩者方言文注云袂衣袖也趙宦光曰半臂衣也武士謂之蔽甲方俗謂之披襖小者曰背子

衣

衣躬縫從衣毒聲讀若督

冬毒切

衣躬縫者本書袷背縫玉篇袴衣背縫也方言繞緇謂之襦掩注云衣督脊也讀若督者大書故人身督脈當身之中貫徹上下故衣縫當背之中達上下者亦謂之督考工記匠人堂涂十有二分注云分其督旁之脩正義名中夾為督督者所以督率兩旁莊子養生主緣督以爲經注云督中也謂中兩開而止俗所謂騎縫也

袷

衣袂也從衣去聲一曰袷裏也裏者袷也袷尺二寸

春秋傳曰披斬其袷

去魚切

衣袂也者釋名袷虛也詩羔裘豹袷傳云袷袂也釋文云袂末也正義謂定本作袷末遵大路摻執子之袷今傳云袷袂也櫛弓鹿裘衡長袷注云袷謂裏袷口也列子周穆王篇王執化人之袷注云袷衣袖也楚詞七諫左袷挂

於擗桑注云祛袖也 一曰祛裏也者本書裏一曰褙
褙者裏也者本書裏裏也 祛八二寸者褙服記祛八二
寸注云祛袖口也尺二寸足以容中人之併兩手也玉藻
袂尺二寸注云袂口也儒行注云袂二尺二寸祛尺二寸
春秋傳曰披斬其祛者倍五年左傳文史記集解
引服虔曰祛袂也晉語勃鞞斬其祛韋云祛袂也

𦑔

袂也從衣采聲

切似又

袂也者釋名半袖其袂半袖而施袖也方言枸橘謂之袖
注云衣標江東呼腕方言又云榆謂之袖注云橘櫛有袖
者因名云詩羔裘豹
裘傳云裘猶祛也

袖

俗褻從由

從由者釋名袖由
也手所由出入也

情

袖也從衣叀聲

彌樊切

袖也者廣雅同字苑袂標也衣袖也釋名袂掣也掣開也
開張之以受臂肘伸也五音集韻引字林袂復櫛也按方

言複襦或謂之笄機郭注機卽複字耳易歸妹六五其君之袂不如其娣之袂良王云袂衣袖也楚詞九歌捐余袂兮江中注云袂衣袖也喪服袂屬幅注云屬猶連也連幅謂不削疏云屬幅者謂整幅二尺二寸不削去其邊取其與衣縱橫皆二尺二寸正方也深衣袂之長短反詘之及肘注云袂屬幅於衣詘而至肘當臂中爲節臂骨上下各尺二寸則袂肘以前尺二寸至藻袂可以回肘長中繼揜尺注云二尺二寸之節其爲長衣中衣則繼袂揜一尺若今袷矣雜記凡弁經其袷侈袂注云袂之小者二尺二寸大者半而益之則侈袂三尺三寸

鬼

袖也一曰藏也從衣鬼聲

戶乖切

袖也者或借襲懷字古詩藏之裏袖中又云出入君懷袖一曰藏也者李善注五君詠引同玉篇裏苞也臂袷藏物也抱也在衣曰裏在手曰握論語懷其寶而迷其邦又云邦無道則可卷而懷之曲禮其有核者懷其核

衆

俠也從衣衆聲一曰橐

戶乖切

俠也者初刻本作夾本書夾持也徐鍇韻譜作挾釋言挾
藏也漢書惠帝紀除挾書律國語注在掖曰挾成十七年
左傳瓊瑰盈吾懷乎宣十一年傳所謂取請其懷而與之
也襄三十一年傳叔帶竊其拱璧以與御人納諸其懷而
從取之 一曰藥者類篇引作一口囊藥也方言揮衣有
復者趙魏之間謂之衽衣郭注前施衾藥也玉篇衽衣包
裹也通作懷淮南五位
篇包裹覆露無不裹懷



衾也從衣包聲

薄保切

經典借抱字書召誥保抱攜持厥婦子詩抑亦既抱子士相
見禮中視抱儒行抱義而處漢書天文志暈適背穴抱項頭
大連抱 賦

懷也者本書祛裏也喪者裏也經典借懷字替頤篇懷抱
也書堯典蕩蕩懷山襄陵論語子生三年然後免於父母
懷之



衣蔽前從衣詹聲

處占切

衣蔽前者廣雅襜褕也顏注急就篇蔽膝者於衣裳上
 著之以蔽前也亦謂之褕釋名釋蔽也所以蔽却前也齊
 人謂之巨巾又曰跪褕跪時褕然張也方言褕謂之蔽
 注云衣掖下也又褕榆江淮南楚謂之褕裕馥案玉篇褕
 裕褕褕也又蔽却魏宋南楚之閒謂之大巾白關東西謂
 之蔽却齊魯之郊謂之褕小爾雅蔽却謂之褕又云褕榆
 謂之童容李軌注亦云蔽却爾雅衣蔽前謂之褕郭云今
 蔽却也釋文褕本或作褕方言作褕詩采芣不盈一褕傳
 云衣蔽前謂之褕雜記褕婦人蔽膝晉書
 肅慎氏傳以布作褕徑八餘以蔽前後

衣衿從衣斤聲他各切

衣衿者廣雅衿衿也玉篇衿下云衿膝帶衿也

衿也從衣介聲胡介切

衿也者徐鍇本字書衿補却裙玉篇衿刺膝也

衿也從衣界聲徒各切

綉也者廣韻釋褻衣廣雅釋長端也論語紅紫不以爲褻服鄭注褻衣袍釋也周禮玉府注燕衣服者巾絮縠衣袍釋之屬詩無衣與子同澤鄭作釋云褻衣近汚垢古文苑班固北征頌寒不施釋

衾

衾也從衣它聲論語曰朝服衾紳

唐左切

衾也者衾當爲祛方言祛謂之衾注云或作祛廣雅云衣袖史記司馬相如傳揚袂卹削集解徐廣曰袂衣袖也以袂獨蘭之衿袂索隱袂作袂張揖云袂袖也論語曰朝服袂紳者彼有加字袂作拖徐錯本有一日二字

褊

衣袍也從衣居聲讀與居同

九魚切

衣袍也者袍當爲褊五音集韻衣侈曰褊漢書音義褊直頂也釋名褊褊也倨然直亦言枉後常見踞也釋器褊謂之褊郭云衣後褊也孔叢子儒服篇子高衣長褊振褊袖淮南齊俗訓楚莊王褊衣博袍高云褊褊也衣褊也

衾

諸衾也從衣亏聲

羽俱切

諸衾也者增韻衾下云方言衾榆短者自關而西謂之衾郭璞云俗名衾披一曰衾樓晃曰衾衾一名諸子漢書

靈石楊氏集

音義曰諸于大掖衣也韻案後漢書注引漢書音義云如婦人之袿衣檀弓充充如有窮注云孝子心形充屈窮急之容也馥謂梳櫛即充屈漢書江充傳充衣紗縠櫛衣曲裾後垂交輸張晏曰曲裾者如婦人衣也東觀漢記三輔吏士東迎更始見諸將過皆冠幘而服婦人衣諸于櫛櫛縠錦袴



袴也從衣寒省聲春秋傳曰微褰與縠

去虔切

袴也者五音集韻引字林同廣雅縠謂之袴方言袴齊魯之閒謂之縠春秋傳曰微褰與縠者昭二十五年左傳文杜云褰袴



袴也從衣龍聲

丈家切

袴也者顏注急就篇袴之兩股曰縠玉篇縠袴帶也袴也縠袴縠也釋名袴跨兩股各跨別也方言袴齊魯之閒或謂之縠注云今俗呼跨跨為縠又云無縠之袴謂之縠注云袴無跨者即今幘鼻褲也縠亦縠字異耳



縠或從賣

此非襪之重文玉篇以為襪之或體馥謂
襪之或體說見本書襪下集韻續長襪

𦑔

綉上也從衣召聲

市沼切

綉上也者廣雅襪謂之綉其棺謂之招漢書朱博傳救功
曹官屬多褻衣大招不中節度自今掾吏衣皆令去地三
寸顏注招謂大褻也

𦑔

衣博大從衣尋聲

他感切

𦑔

衣博裾從衣保省聲保古文保

博毛切

衣博裾者漢書雋不疑傳褻衣博帶淮南汜論訓褻衣博
帶高注褻衣謂方與之衣如今吏人之左衣也俗作褻孔
叢儒服篇子高衣長裾振褻袖顏氏家訓梁世士大夫皆
尚褻衣博帶大冠高履通鑑孫揆褻衣大益擁眾而行注
云褻衣大補博裾之衣或借袍字哀十四年公羊傳反袂
拭面涕沾袍何云袍衣前襟也墨子公孟篇昔者楚莊王
鮮冠組纓絳衣博袍漢王褒字文博見韓勅碑
陳襄字聖博見孔宙碑晉女寬庾袞並字叔襄

𦑔

緹也從衣雷聲詩曰載衣之緹

他計切

緹也者漢書音義孟康曰緹小兒被也李奇曰小兒大藉也俗作緹廣雅緹謂之緹
文彼作楊傳云楊楸也釋文楊韓詩作楸

𦑔

衣正幅從衣𦑔聲

多官切

衣正幅者玉篇作正幅衣也經典借端字釋名左端其袖下正直端方與要接也周禮司服其齊服有玄端素端鄭司農云衣有襦裳者為端信三年穀梁傳桓公委端指笏而朝諸侯注云端玄端之服疏云其色玄而制正幅無殺故謂之玄端

𦑔

重衣兒從衣圍聲爾雅曰𦑔𦑔𦑔

羽非切

重衣兒者爾雅釋文引字林同爾雅曰𦑔𦑔𦑔者釋訓𦑔𦑔𦑔𦑔𦑔𦑔也郭音義云𦑔本或作𦑔音韋馥案玉篇𦑔𦑔從人故失正直之道也馥謂𦑔𦑔𦑔字異義同本𦑔

及玉篇並無橫字疑作憤憤蓋許公解澤欄欄之義漢舊儀五帝初置博士取曉古文爾雅者為之此或舊說也

𦛖

重衣也從衣夏聲一曰緒衣

方六切

重衣也者小字本作重衣兒釋名有裏曰復無裏曰單鹽錄論言遍地苦寒云夏不失復東宮舊事皇太子納妃有絳紗複裙夏侯陽筭經今有袖五千六百二十五匹欲作複裙七條一曰緒衣者本書緒製衣製當為裝玉篇廣韻拉作裝杜甫詩衣冷欲裝

𦛖

衣厚提提從衣是聲

杜分切

衣厚提提者廣韻提衣服好兒

𦛖

衣厚兒從衣農聲詩曰何彼穠矣

汝容切

衣厚兒者詩釋文引同文選神女賦穠不短纖不長李善注引同詩曰何彼穠矣者召南文傳云穠猶戎戎也釋文云韓詩作戎韻會戎戎厚貌馥謂戎戎即苜苜

新衣聲一曰背縫從衣叔聲切冬毒

考工記弓人恆角而短鄭
司農云恆讀為袷之袷

新衣聲者類篇袷袷衣聲馥謂袷袷即袷音 一曰背縫
者本書綺衣躬縫閔二年左傳公衣之偏衣服虔曰偏衣
偏袷之衣偏異色駁不純袷在中左右各異晉語衣之偏
袷之衣韋云袷在中左右異色故曰偏袷禮深衣負繩及
踝注云踝謂袷與後幅相當之縫史記趙世家王夢衣偏
袷之衣正義袷衣背縫也佞幸傳顧見其衣袷帶後穿魏
都賦襲偏
袷以讀列

衣張也從衣多聲春秋傳曰公會齊侯于移尺氏切

衣張也者廣韻儀開衣領也經典借移字禮表記衣服以
移之注云猶廣大也周禮追師注移袷緣衣之袷也 春
秋傳曰公會齊侯于移者桓十五年經公會宋公衛侯陳
侯于袤伐鄭杜云袤宋地在沛國相縣西南趙案公羊作
侈

𦑔

衣裾也從衣尙聲

余制切

衣裾也者一切經音義十三說文尙衣裾也以子孫爲尙
尙者取下垂義也尙亦遠也字從衣從尙尙音女附反漢
書藝文志合其要歸亦六經之支與流尙顏注尙衣末也

𦑔

古文尙

從二
人誤

𦑔

長衣兒從衣分聲

撫文切

長衣兒者史記司馬相如傳
紛紛排排郭璞云衣長兒

𦑔

長衣兒從衣更省聲

羽元切

更省聲者徐鉉繫傳曰更音專其扶妄篇引作𦑔省聲其
通論篇云𦑔音丑善反豈得不爲袁之聲馥案更從𦑔省
其下作𦑔古文作𦑔故袁中從𦑔
若𦑔乃從𦑔袁無此文徐說謬矣

袷 短衣也從衣鳥聲春秋傳曰有空櫛都僚切

短衣也者方言小袴謂之袷初馥謂校初即櫛音春秋傳曰有空櫛者今無此文

褌 重衣也從衣執聲已郡有褌江縣徒叶切

重衣也者字林褌複褌也 已郡有褌江縣者漢志作墊

江孟康音疊疊當為墊北史外奚傳吐谷渾登其國西疆

山觀墊江源問羣臣長史曾和對曰水經仇池過晉壽出宕渠始名墊江

褌 長衣兒從衣非聲薄回切

長衣兒者史記司馬相如傳作排郭璞曰長衣兒玉篇類篇襄排並出誤

襦 短衣也從衣蜀聲讀若蜀市玉切

短衣也者短當為短本書短豎使布長襦廣雅襦長襦也晉書夏統傳妓女之徒服鞋襦音義云襦連要衣也玉篇作襦與襦同云長襦也連腰衣也釋名偏襦也衣裳上下相連屬也玉篇襦下云短衣也此乃宋人據本書加之不

知本書之獨玉篇作襦實一字也本書櫛下句或體作襦玉篇以為襦之重文即本書櫛之或體也

𦑔衣至地也從衣𦑔聲竹角切

衣至地也者類篇製長衣

𦑔短衣也從衣需聲一日羅衣人朱切

短衣也者短當為短古詩妾有繡腰襦晉令施頤羽林常著腰襦所謂連腰者也通鑑蕭寶寅著烏布襦又云龍助解甲服布襦注竝云襦短衣也短亦短之誤一日羅衣者本書羅下云安羅溫也釋名襦與也言溫與也玉篇襦襦也束臂近遊賦繫明襦以御冬梁書安成王秀為郢州冬月常作襦以賜凍者

𦑔衣小也從衣扁聲方沔切

衣小也者廣韻𦑔衣急本書急𦑔也詩葛屨維是𦑔心傳云𦑔急也昭元年左傳召使者製裳帛而與之曰帶其𦑔矣杜云言帶𦑔盡故裂裳𦑔謂𦑔亦急也賈誼書反俗為𦑔論衡自紀篇形大衣不得𦑔經典通作𦑔小隱四年左

傳衛國編小孟子齊國雖
編小史記禮書楊陋之說

人哈衣無絮從衣合聲古治切

衣無絮者李善注秋興賦引同顏注急就篇衣裳施裏曰
給漢書匈奴傳服緇給綺衣顏注給者衣無絮也喪大記
君櫛衣裙衾注云櫛給也玉藻帛為櫛注云
有表裏而無著釋文紹袂也玉篇袂給同

人裨衣不重從衣單聲都寒切

通作單管子參患篇甲不堅密與倭者同實注云倭謂甲單
衣者鍾離意別傳送徒到河北徒以隆冬衣單不能復行後
漢書高彪傳家傳單寒魏志管寧傳寧常著布襦袴布裙隨
時單複十六國春秋孟卓有一單裳十年不澣宋韜遺教吾
外斂以時服不得
造新自給單衣

衣不重者玉篇種複也廣雅裨褊也一切經音義四引廣
雅作褊也有衣而無裏也玉篇褊褊衣也今為薄釋名裨
衣言無裏也方言裨衣江淮南楚之間謂之襌關之東西
謂之裨衣又汗襦陳魏宋楚之間或謂之裨臨注云今或

呼衫爲禪襦又覆絳謂之禪衣偏禪謂之禪儒注云卽衫也又約續謂之禪注云今又呼爲涼衣也漢書江充傳衣紗縠襦衣顏注縠衣制若今之襦中禪也漢官儀曰武賁中卽將衣紗縠縠衣制若今之襦中禪也漢官儀曰武賁膝布毋縛顏注縠衣似深衣而襪大亦以具無襪故呼爲縠衣劉達蜀都賦注引司馬相如凡將篇黃潤縠美宜制縠世說晉孝武冬天晝日不著複衣但著單練衫五六重

𧄸𧄸心漢令解衣耕謂之襄從衣𧄸聲

息良切

漢令解衣耕謂之襄者夏小正二月往稷黍禪傳曰禪單也黃叔琳曰稷農事之勞者也力勞則陽氣憤盈於外故衣禪蓋野者於是已不急衣也馥謂二月衣禪已脫複矣逸周書諡法解辟地有德曰襄孔安國孝經注民脫衣就功累其飢體蕭廣濟孝子傳原平墓下有數十畝田每農月耕者恆裸楊慎曰壤字從襄蓋耕治之土也釋言襄除也詩牆有茨不可襄也出車臘狔于襄傳竝云襄除也馥謂解衣除衣也

𧄸𧄸古文襄

衾 衾衣也長一身有半從衣皮聲平義切

覆衣也者廣雅寢衣被也釋名被被也被覆人也晉中興書光逸為博昌小吏冒雨還令不在逸解衣入寢被衾中長一身有半者論語文鄭注今小臥被是也

衾 大被從衣今聲去音切

大被也者一切經音義二十一引字林同廣雅衾被也釋名衾廣也其下廣大如广受人也詩小星抱衾與稠傳云衾被也上喪禮輿用斂衾注云衾被也環濟要畧孟仁母為作大被或問其故母曰小兒無德以致賓客學者多貧故為大被庶可得氣類相接也

飾 飾也從衣象聲徐兩切

飾也者廣雅同本書飾櫟飾飾急就篇櫟飾刻畫無等雙顏注豫飾盛服飾也刻畫裁製奇巧也周禮封人飾其牛牲注云剝治潔清之也一日櫟飾漢書外戚傳櫟飾將醫往問疾顏注櫟盛飾也通作象詩君子偕老象服是宜傳云

象服尊者
所以為飾

日

日日所常衣從衣從日日亦聲

入質切

日日所常衣者左傳釋文引作日日所衣裳也字林同玉篇相近身衣也日日所著衣宣九年左傳陳靈公與孔寧儀行父通於夏姬皆衷其相服以戲於朝杜云相服近身衣

褻

私服從衣執聲詩曰是褻裱也

私列切

私服者肅該漢書音義引字林褻衷衣也論語紅紫不以為褻服王肅曰謂私居非公會之服也漢書敘傳恩有極褐之褻顏注褻謂親身之衣也執聲者蔽偶曰唐本說文從切曰從執非詩曰是褻裱也者廓風君子偕老文彼作繼

衷

裏褻衣從衣中聲春秋傳曰皆衷其相服

陟弓切

裏褻衣者蒼頡篇衷別內外之詞也閔二年左傳衣身之章也佩衷之旗也杜云旗表也衷中也宣九年穀梁傳或

衷其襦注云衷者襦在衷也襄二十七年左傳楚人衷甲杜云甲在衣中故案後漢書董卓傳肅以戟刺之卓衷甲不入春秋傳曰皆衷其袒服者宣九年左傳文杜云衷懷也

𦣻

好佳也從衣朱聲詩曰靜女其𦣻

昌朱切

廣韻引字統朱衣曰𦣻

好佳也者本書妹好也詩曰靜女其妹者邶風靜女文彼作妹傳云然美色也

祖

事好也從衣且聲

才與切

事好也者廣雅祖好也

𦣻

接益也從衣卑聲

府移切

接益也者一切經音義五說文裨增也益也亦補也木書裨益也觀禮侯氏裨冕注云裨冕者衣裨衣而冠冕也裨之為言裨也天子六服大裘為上其餘為裨以事尊卑服之而諸侯亦服焉晉語所以紀綱齊國裨補先君而成霸

者也漢書項籍傳籍為碑將注云碑相輔助也楊慎曰說文碑接益也以小益大曰碑西域傳有碑王漢書有碑將

無色也從衣半聲一曰詩曰是繼袪也讀若音博慢切

無色也者玉篇作衣無色一曰詩曰是繼袪也音義下引詩作袪讀若音者當云讀若慢寫者亂之廣韻袪附哀切集韻音半切

雜五采相合從衣集聲祖合切

五采相合者易文言夫玄黃者天地之雜也考工記畫績之事雜五色

衣物饒也從衣谷聲易曰有孚裕無咎羊瑞切

衣物饒也者廣雅裕足也書君奭告君乃猷裕傳云告君汝謀寬饒之道漢書賈誼傳禽獸草木廣裕顏注裕饒也易曰有孚裕無咎者晉卦文彼作岡孚裕无咎

完衣也者廣雅補完也顏注急就篇脩破謂之補呂氏春秋順說篇田贊衣補衣而見荆王漢書賈誼傳自悉而補中道衣敝應劭曰補縫作衣外或傳顯因為成君衣補鹽鐵論夫衣小破襟裂可以補

𦑑

紵衣也從衣耑耑亦聲

諸凡切

紵衣也者本書耑箴縷所紵衣

𦑒

奪衣也從衣虎聲讀若池

直离切

奪衣也者奪當為敝易訟卦或錫之鞶帶終朝三褫之侯果云褫解也荀子非相篇極禮而褫注云褫解也鄭本周易作三托之案淮南人間訓秦牛岐遇盜托其衣被高注托奪也讀若池者池當作沱與托聲相近

𦑓

袒也從衣肅聲

郎果切

袒也者袒當為但張有復古編作但經典通作袒廣雅肅袒也廣韻裸赤體列子釋文裸謂不以衣蔽形也孟子雖袒楊裸程於我側趙策禹袒入裸國漢書王嘉傳裸躬就答顏注裸露也或借肅字莊子田子方篇則解衣般礴肅

漢書高五王傳或曰書使肅顏注肅者露形體也景十三王傳輒令肅立擊鼓顏注肅者露其形也

裸

肅或從果

袒

袒也從衣呈聲

丑郢切

袒也者當為但後漢書馬融傳裸袒程袒袒注引本書程裸也廣雅程袒也韓策秦人捐甲徒程以趨敵

袒

袒也從衣易聲

先擊切

袒也者當為但廣雅楊袒也釋訓檀楊肉袒也郭云脫衣而見體聘禮楊降立注云楊者免上衣見楊衣玉藻裘之楊也見美也又云君衣狐白裘錦衣以楊之注云袒而有衣曰楊史記張儀傳秦人捐甲徒楊以趨敵索隱楊袒也謂袒而見肉也漢書景十三王傳望鄉袒楊顏注袒楊脫衣露其肩背也

𦑔

𦑔也從衣身聲

似嗟切

𦑔也者當為𦑔本書𦑔𦑔也徐鉉本作𦑔也錯曰純謂帛文疏純𦑔𦑔也戴侗曰徐本𦑔也獨本𦑔也

頤

以衣衽扱物謂之頤從衣頤聲

胡結切

以衣衽扱物謂之頤者本書扱收也扱進足有所擷取也

引爾雅扱謂之頤今爾雅作扱廣雅頤謂之褻曲禮扱衽

頤

頤或從手

詩釋文頤一本作擷同

衽

執衽謂之衽從衣吉聲

格八切

執衽謂之衽者釋器文郭云持衣上衽詩芣苢薄言衽之傳云衽執衽也

衽

衽也從衣聿聲

昨牢切又七刀切

衽也者本書衽帛也廣雅衽帛也廣雅禮較褻也類篇褻較褻褻也

壯

裹也從衣壯聲

側羊切

裏也者上當有束也二字一切經音義十八裝揀今中國人謂揀理行具縛揀說文裝束也裏也廣韻裝束廣雅裝束也七發如三軍之騰裝李善云許慎淮南子注曰裝束也楮白馬賦注引同

果 纏也從衣果聲 古火切

本書胞下云兒生裏也 詩公劉乃裹餼糧 莊十二左傳以屏革裏之 司馬法衆以合寡則遠裏而闕之注云遠圍而闕其一面 呂氏春秋本生篇其於物無不受也無不裏也注云裏猶裳也 既夕禮苞二注云所以裹羊豕之內纏也者本書纏繞也廣韻纏束也 榘謂束縛纏繞而裹之

𦘔 書囊也從衣邑聲 於業切

書囊也者後漢書班固傳哀以藻繡絡以綸連注引說文哀纏也李善注西都賦琴賦引竝同玉篇哀囊也纏也亦其二義廣雅裏謂之囊文選序名溢于縹囊卷盈乎細帙梁書昭明太子傳膳帙充積漢書東方朔傳文帝集上書囊以為殿幃外或傳中黃門用客持詔記盛絳紳方底顏注方底盛書囊形若今之舞騰肩東觀漢記制上書以青

兌之解

連筠移設書

崔氏楊氏栞

布囊素封書王嘉拾遺記張儀蘇秦假會於路剝樹皮為囊以盛天下反書晉中經簿盛書用皂縹囊布裹書函中皆有香囊

𦘒

縵也從衣角聲

切

縵也者本書縵縵衣也廣雅齊縵也釋名期曰齊齊也通作齊太平御覽引禮記外傳齊之言齊也注云加絨縵其裳縵縵之使齊平也論語攝齊升堂孔安國曰衣下曰齊漢書朱雲傳引作齋曲禮兩手握衣去齊民注云齊謂裳下緝也釋文齊本又作齋玉藻足如履齊注云齊裳下緝也增韻禮喪服有齊衰謂裳下緝曰齊孟子齊疏之服趙岐曰即齊縵也

𦘒

豎使布長襦從衣豆聲

常句切

豎使布長襦者豎使謂童豎也僖二十四年左傳晉侯之豎頭須注云豎左右小吏成十年傳公夢疾為二豎子昭四年傳遂使為豎杜云豎小臣也哀十五年傳孔氏之豎渾良夫六韜賞及牛豎馬洗列子說符篇鄰人亡羊請楊

子之豎追之史記酈生傳沛公罵曰豎儒注云豎童僕之稱沛公輕之以比奴豎故曰豎儒謝承後漢書苑丹問里中芻橐僮僕語乃曰吾之微志杜僮豎之曰宋書周朗傳婢豎無定科廣雅復襦謂之襪方言復襦江湘之間謂之襪玉篇襪與襪同襪輸也列子力命篇臥衣則襪襪注云方言短襪也許慎注淮南子云楚人謂袍為襪說文云粗衣也又敝布襪也又云襪輸短者曰襪輸有作短襪者誤荀子作豎褐楊倞注云僮豎之褐於義亦通顧案粗衣本書褐字訓衰十三年傳余與褐之父觀之杜注褐寒賤之人廣韻短敝布襪也與列子注引本書同宋策舍其錦繡鄰有短褐而欲竊之史記秦始皇本紀夫寒者利短褐集解徐廣曰一作短小襪也索隱蓋謂褐布豎裁為勞役之衣短而且狹故謂之短褐孟嘗君傳士不得短褐索隱短亦音豎馥謂短皆短之譌漢書貢禹傳短褐不完顏注短者謂僮豎所著布長襪也貨殖傳貧者短褐不完顏注短布長襪也後漢書張衡傳士或解短褐而糞黼黻榮緒漢書王承為湘令易雄為主簿佐史逃散雄毀服為僮豎從之親執勞辱馥案褐即襪南史顧協為廷尉正冬服單薄寺卿欲解褐與之謂人

曰我頗解身上襪與顧郎

靈石陽氏

人

編采衣從衣區聲一曰頭樞一曰次褻衣

於武切又

編采衣者顏注漢書同趙注孟子褐采衣也一日次褻衣者廣韻樞小兒誕衣謂之樞注云即小兒次衣也

人

編采鞮一曰粗衣從衣曷聲

胡葛切

編采鞮者急就篇鞮鞣叩角褐鞮也顏注褐謂編采為鞮也一日粗衣者顏注急就篇褐或曰粗衣也孟子許子衣褐注云褐一曰粗布衣也御覽引作短衣實韻五音集韻引同墨子人不可衣短褐韓非說林篇旃象豹胎必不衣短褐而含茅茨之下新序齊無鹽女乃披短褐自請於宣王漢書敘傳思有短褐之褻古詩短褐中無絮陶潛五柳先生傳短褐穿結通鑑元魏韓麒麟上表蠶婦乏短褐截謂此皆短之誤也玉篇褐馬背袒衣也高注淮南云褐毛布如今之馬衣截案定八年左傳主人焚術或儒馬褐以救之杜云馬褐馬衣孟子許子衣褐注云以毳織之若今馬衣也顏注急就篇褐織毛為衣也詩七月無衣無褐箋云褐毛布也漢書季布傳迺髡鉗布衣褐顏注褐毛布

之衣也後漢書陳元傳如得以褐衣召見趙典傳身從衣
褐之中致位上列注並云褐織毛布之衣貧者所服七啟
子好毛褐集韻
牀桓不飾者

𦘔

𦘔領也從衣𦘔聲

於轄切

𦘔領也者玉篇𦘔極也𦘔𦘔也方言級謂之𦘔注云卽衣
領也爾雅黼𦘔領謂之襟注緝刺黼文以𦘔領或通作𦘔士
昏禮注刺黼爲
領如今𦘔領

𦘔

𦘔謂之掩從衣奄聲

依檢切

𦘔謂之掩者謂緣衣領也玉篇掩緣
也方言縣掩謂之緣注云衣縫緣也

𦘔

𦘔雨衣秦謂之草從衣象形

蘇禾切

𦘔雨衣者說苑子貢之承或在塗見道側巾敝布擁蒙而
衣衰俗作蓑簑玉篇蓑草衣也洪武正韻六韻蓑薛笠等
是以莎草爲雨衣也詩無羊何蓑何笠傳云蓑所以備雨
釋文蓑草衣也旣夕記橐車載蓑笠注云蓑笠備雨服越

語舊如蓑笠時雨既至必求之西山經三危之山有獸焉其豪如披蓑注云蓑避雨之衣也韓詩外傳楚邱先生披蓑帶索往見孟嘗君定元年公羊傳仲幾之罪何不蓑城也何休注若今以草衣城也案魏揚州刺史劉馥高為城畢多積木石編作草苦數千萬枚為備及吳圍合肥天連雨城欲崩於是以此苦蓑覆之秦謂之草者木書草雨衣一日蓑衣又樓字云可作草廣雅草謂之蓑韋注齊語樓棟蓑草衣也象形者木書蓑象形與蓑同意

古文蓑

人象覆。象領。絲象艸向外。



隸人給事者衣為卒卒衣有題識者臧沒切

隸人給事者衣為卒卒衣有題識者當云隸人給事者為卒後人加衣字一切經音義十一說文三隸人給事者曰卒古以染衣題識表其形也增韻所引有故從衣從十五字玉篇卒隸人給事也行鞭也馥謂即伍伯之屬漢舊儀百人為卒卒史一人木書綴以絳帛箸於背上一切經音義二十三書箸背上曰徹史記淮南王安傳又欲令人

衣未盜衣集解引漢書音義曰卒衣也案顏注云未盜卒之掌逐捕賊盜者定十年左傳叔孫氏之甲有物杜注物識也尉繚子兵教篇卒異其章書其章曰某甲某士

𠂔

卒也從衣者聲一曰製衣

丑呂切

卒也者廣雅同方言卒謂之弩父或謂之緒郭注言衣赤也緒音緒風俗通秦始皇遣蒙恬築長城令徒卒皆髡頭衣緒襖三十年左傳取我衣冠而緒之杜云緒畜也馥案上文云上下有服謂別其服之等次一曰製衣者製當為裝玉篇廣韻竝作裝木書複緒衣漢書南粵王傳上緒五十衣中緒三十衣下緒二十衣造王顏注以縣裝衣曰緒上中下者縣之多少厚薄之差也唐書李愬傳愬雪夜襲元濟使驚白元濟不信是洞曲子弟來索緒衣爾

𠂔

裁也從衣從制

征例切

裁也者本書裁制衣也制衣誤分製為二字襄三十一左傳子有美錦不使人學製焉注云製裁也離騷製芟荷以為衣兮注云製裁也北山移文焚芟製而裂倚衣漢書叔孫通傳服短衣楚製顏注製謂裁衣之形製白紵歌製

以為袍餘作巾劉義恭啟事賜臣金獸袍珍製巧飾梁書

王陳傳非取製於一狐諒求味於兼采通作制後漢書梁

更裁制 蠻夷衣從衣友聲一曰蔽邾北末切

蠻夷衣者玉篇被蠻衣也與倻同韋注國語倻蠻夷服也

裴淵廣記蠻夷取穀樹皮熟搥之以為褐 一曰蔽邾者

淮之閒或謂之倻 衣从人也從衣遂聲春秋傳曰楚使公親縫徐醉切

衣从人也者左傳釋文引作衣从人衣玉篇縫从人衣也

小爾雅廣名饋从者謂之則衣服謂之縫春秋說題辭衣

被曰縫縫遺也白虎通贈縫何謂也縫之為言遺也衣被

曰縫知从者則贈縫所以助生送从追恩重終副至意也

士喪禮若使人縫注云縫之言遺也衣被曰縫又云縫者

左執領右執要春秋文九年秦人來歸僖公成風之縫杜

云衣服曰縫隱元年公羊傳衣被曰縫何云縫猶遺也遺

是助从之禮范注穀梁傳云縫者衣服之名故送从之衣

亦名襚也定九年左傳公三襚之注云襚衣也比殯三加
襚史記魯仲連鄒陽列傳外則不得襚正義衣服曰襚
貨財曰賻皆助生送外之禮漢書景帝紀王莽遣光祿大
夫弔襚祠賜應劭曰衣服曰襚春秋傳曰楚使公親襚
者襄二十九年左傳文彼作楚人

𦘒

棺中縑裏從衣弔讀若雕

都僚切

從衣弔者
當為弔聲

𦘒

贈終者衣被曰稅從衣兌聲

輸芮切

贈終者衣被曰稅者史記索隱引作贈終服也廣韻稅送
外衣也漢書朱建傳薛陽侯廼奉百金稅顏注贈終者之
衣被曰稅言以百金為衣被之具其字從衣鮑宜
傳薛太子遣使稅以衣衾顏注贈喪衣服曰稅

𦘒

鬼衣從衣炎省聲讀若詩曰葛藟縈之一曰若靜女

其株之株

於營切

鬼衣者釋器疏謂之袞郭云衣開孔也玉篇袞鬼衣也酉陽雜俎袞鬼衣也阮宣子無鬼論今見者云著生時衣服若人祔有鬼衣服亦有鬼乎一日若靜女其袞之袞者王君念孫曰袞當為袞袞聲相近

𨔵

車溫也從衣延聲

式連切

車溫也者玉篇𨔵車韁𨔵本書無韁字論語韁原鄭注韁裏也

𨔵

以組帶馬也從衣從馬

奴烏切

以組帶馬也者商子境內篇故爾上就為簪裏漢舊儀簪裏三爵賜爵三級為簪裏九章笄術今有大夫不更簪裏上造公士凡五人劉劭爵制三爵曰簪裏御駟馬者要裏古之名馬也駕駟馬者其形似簪故曰簪裏也字或作裏漢書百官公卿表秦爵二十級三簪裏顏注以組帶馬曰裏簪裏者言飾此馬也

幅

文一百一十六

重十一

匡謬正俗云副貳之字本為福從衣畱聲西京賦云仰福帝
居傳寫譌舛轉衣為示讀者便呼福祿之福失之遠矣複案
佩觿福芳又翻衣一幅廣韻福敷救切衣一幅今作副漢尹
宙碑位不福德魏上尊號碑以福海內欣戴之望隸釋誤作
福申鑒政體篇好惡毀譽賞罰參相福也亦誤作福
小顏雖未明引說文而云從衣畱聲則本書之文也

遺文一

象心皮衣也從衣求聲一日象形與裘同意凡裘之屬皆

從裘

王鳩切

鬼小正九月王始裘傳云始者何也衣裘之時也鹽鐵論
古者鹿裘皮冒蹄足不去及其後大夫狐貉縫腋羔麕豹舄
庶人則毛絺絺形樸紙皮傳郭
璞毛詩拾遺古者以素絲飾裘

皮衣也者廣韻引詩取彼狐狸為公子裘孟子事之以皮
幣注云皮狐貉之裘宜十二年公羊傳古者村不穿皮不
蠶則不出於四方何云皮裘也與裘同意者裘艸之毛
亦在外淮南齊俗訓今之裘與裘孰急見雨則裘不用升

堂則不御此
代為常者也

古文省衣

古文省衣者後人亂之裘從求聲裘出於求求省衣豈又出於裘郭徐錯本作古文裘錯曰古象衣求形後則加衣也本書休蘿棟萊昧殺棟球述綵郝十二字竝從求詩大東熊羆是裘箋以為當作求聲相近故也孟子樂正裘漢書人表作求禮記衛獻公與柳莊邑裘氏莊子鄭人緩呻吟裘氏之地考工記有裘氏以地為姓急就篇有求男弟漢末有求仲顏師古以為裘氏之族

裘裏也從裘高聲讀若擊

精革切

裘裏也者玉篇福裘裏也 讀若擊者
長楊賦拊隔鳴球韋昭曰古文隔為擊

文二 重一

考也七十曰老從人毛匕言須髮變白也凡老之屬

皆從老

盧皓切

考也者書洪範考終命楚辭九歎身憔悴而考其分王注
考猶終也七十曰老者宣十八年公羊傳使帥一二耆
老而緩勇注云七十稱老疏云七十稱老曲禮文也今曲
禮云七十曰耆與此異也吳語有父封者老而無昆弟者
以告注云六十曰耆七十曰老離騷老冉冉其將至兮注
云七十曰老從人毛也者周禮司儀王燕則諸侯毛注
云謂以須髮坐也鄭司農云謂老者在上也老者
二毛故曰毛言須髮變白也者木書已變也

𡈼

年八十曰耄從老省從至

徒結切

年八十曰耄耄者釋名八十曰耄耄鐵也皮膚髮黑如鐵
也孫炎說爾雅云耄老人面如鐵色耄鐵聲近漢書孔光
傳人馬齒數方言耄耄也宋衛克豫之內曰耄注云八十
為耄釋言耄耄也郭云八十為耄易離卦大耋之嗟釋文
馬云七十曰耄王肅云八十曰耄鄭云年逾七十履案禮
記古本云八十曰耄九十九曰耄七年曰悼悼與耄有罪不
加刑焉今本脫曰耄二字王肅言八十曰耄猶見善本也
詩車鄰逝者其耄傳云耄耄也八十曰耄信九年左傳以
耄為多耄耄耄

伯易耄老服杜竝云七十曰耄宣十二年公羊傳使帥一
二耄老而綏焉何云六十稱耄七十稱老故案舍人注爾
雅亦言六十諸
家無正文也

耄年九十曰耄從老從蒿省 吳報切

別作耄王亨國百年耄荒釋文耄本作耄馥謂耄即耄寫誤
九十也 或借旄字禮記射義旄期稱道不亂孟子反其旄
況追詔老子銘旄然老旄曲禮陸德明本作旄云旌本又作
耄

年九十曰耄耄者王篇耄邁也九十曰耄曲禮八十九十日
耄古本八十曰耄九十曰耄詩板匪我言耄傳云八十曰
耄馥案車鄰傳云八十曰耄此耄不應重言八十蓋後人
亂之楚詞七諫心悼怵而耄思注云九十曰耄馥謂此皆
言九十與本書同者也釋名七十曰耄頭髮白耄髮然也
書大禹謨耄期倦于勤傳云八十九九十曰耄隱四年左傳
老夫耄矣杜云八十曰耄昭元年左傳諺所謂老將至而
耄及之者其趙孟之謂乎杜云八十曰耄耄亂也楚語女

無亦謂我老耄韋云八十曰耄家語觀鄉射篇耄期稱道而不亂者注云八十九十曰耄菴案此言七十八十皆無正文也

老也從老省旨聲
渠之切

老也者廣雅同釋名六十曰耆耆指也不從力役指事使人也詩武耆定爾功皇矣上帝耆之箋並云耆老也荀子臣道篇耆艾而信可以為師注云五十曰艾六十曰耆

老人面凍黎若垢從老省句聲
古厚切

老人面凍黎若垢者黎當為黎耆垢聲相近擇行者垢也皮色皺悴恒如有垢者也或曰凍黎皮有斑黑如凍黎色也方言黎黎老也燕代之北鄙曰黎秦晉之郊陳寬之會曰有黎注云黎言面色似凍黎黎音背皮如黎魚又鹹鰓乾都者草老也皆南楚江湖之同代語也注云皆老者皮色枯瘁之形也釋詁耆耄也并炎云耆而如凍黎色如洋垢老人言微也舍人云耆耄也血氣精華觀竭言色亦黑如狗矣書君奭攸罔勛不及耆造德不降鄙注耆老也書

秦晉插乘黎老傳云鯨背之者稱黎老正義老人面色似
黎故稱黎老詩南山有臺遐不黃耇傳云耇老又行輩序
外尊事黃耇箋云耇凍黎也士冠禮黃耇無疆注云耇凍
黎也僖二十二年左傳雖及胡耇注云胡耇元老之稱周
語敬事耇老韋云耇凍黎也吳語播乘黎老注云鯨背之
耇稱黎老漢書韋賢傳年其逮耇顏注耇者老人面色如
垢也師丹傳德為國黃耇顏注黃耇老人之稱也黃謂白
髮落更生黃耇也耇老人面色不淨如垢也後漢書和帝
紀可謂老成黃耇矣注云耇亦老也詩序曰外尊事黃耇
論衡無形篇人少則髮黑老則髮白白久則黃人少則膚
白老則膚黑黑久則黧若黃耇無疆
髮黃而尚有垢故禮曰黃耇無疆



老人面如黧也從老省古聲讀若耿介之耿切丁念

老人面如黧也耇耇黧聲相近玉篇耇老人面
如墨黧也廣韻耇老人面黑子廣雅耇老也



老人行才相逮從老省易省行象讀若樹切常句

行象者當云易行象謂老人行象嘶易
讀若樹者樹當為封且行且封也

𠂔久也從老省𠂔聲

殂西切

久也者廣雅釋名並同壽久聲相近漢官儀老者久也舊也董仲舒曰壽者壽也壽有短長由養有得失自行可久之道者其壽勝於久自行不可久之道者其壽亦勝於不久

作𠂔

𠂔老也從老省𠂔聲

苦活切

老也者本書序轉注者逮類一首同意相受考老是也王篇考壽考延年也詩大雅周王壽考列子釋文考成子一本作老

𠂔善事父母者從老省從子子承老也

呼教切

孝經說孝𠂔也音養也

善事父母者者釋名孝好也愛好父母如所悅好也釋訓善父母為孝詩六月張仲孝友傳云善父母為孝周禮大

說文解字義登

卷二十五

𠂔

連筠篴業書

可樂中和祇爾孝友注云善父母曰孝大司寇鄉制上德
糾孝注云善父母為孝賈誼書子愛初親謂之孝子承
老也者徐鍇本下有老省亦等四字案本書之例凡從部
首諸聲者則曰亦聲徐鉉不解而反刪之有非從部首得
聲而加亦字者
鉉皆存之茲非

文十

𠂔

眉髮之屬及獸毛也象形凡毛之屬皆從毛

莫袍切

眉髮之屬者本書眉目上毛也髦髮也釋名毛貌也冒也
在表所以別形貌且以自覆冒也莊子逍遙游窮髮之北
釋文李云髮猶毛也及獸毛也皆大戴
禮有毛之蟲三百六十而麒麟為之長

𠂔

毛盛也從毛隹聲虞書曰鳥獸羣髦

而尹切又人勇切

毛盛也者六經正誤周禮司裘注中秋鳥獸羣髦釋文羣
音毛案尚書仲秋鳥獸毛毳仲冬鳥獸羣毛釋文毳先典
反說文云仲秋鳥獸毛盛可毳取以為器用也亂如勇反
徐而允反馬云溫柔貌說文毳字注仲秋鳥獸毛盛可毳

取以為器用從毛先聲蘇典切此琇字音義也其上琇字
注毛盛也從毛隹聲虞書曰鳥獸琇髦而尹切又人勇切
足琇與琇音義同也玉篇琇而勇而允二切歌也琇也其
下琇字注云同上是琇即琇字也廣韻琇而隴切鳥細毛
也亦作琇集韻琇乳勇切注引說文義又云或作琇琇諸
家字書毛字並無作琇者琇字亦無音毛者其誤明矣黃
生義府曰說文引書鳥獸琇毛作琇毛鄭注周禮仲秋鳥
獸琇毛鄭引釋仲秋獻良裘王乃行羽物此兼詞耳蓋鳥
獸毛全冬益豐厚可用故鄭云然經言仲秋未必以秋為
限也後人疑本釋仲秋不當牽仲冬為說故書琇為琇即
琇字以就向書鳥獸毛琇之文此味理之甚者集韻因收
琇字與毛重文韻會亦仍其失凡後世俗字日增皆由輒
字書者留中無涇渭止務博收故也虞書曰鳥獸琇髦
者堯典文彼作琇毛傳云鳥獸皆生更羣
細毛以白溫焉本書廢下引虞書作廢毛

猋 猋豪也從毛孰聲 侯幹切

猋豪也者釋耑末成毫狗郭云狗
子未生猋毛者釋文猋謂長毛也

𦍋

仲秋鳥獸毛盛可選取以爲器用從毛先聲讀若選

蘇典切

仲秋鳥獸毛盛可選取以爲器用者琬選聲相近書堯典鳥獸毛琬周禮司裘中秋獻良裘王乃行羽物注云中秋鳥獸琬琬因其良時而用之

𦍋

以毳爲縹色如縹故謂之縹縹禾之赤苗也從毛苗

聲詩曰毳衣如縹

莫奔切

以毳爲縹者本書縹西胡毳布也色如縹故謂之縹者縹縹聲相近縹禾之赤苗也者本書縹赤苗嘉穀也縹下云禾之赤苗謂之縹言縹玉色如之詩曰毳衣如縹者王風大車文彼作縹傳云縹縹也釋文云說文作縹

𦍋

撚毛也從毛𦍋聲

諸延切

扶南傳調斯國有青石染縹絳染縹縹縹案語林云王子敬謂偷兒石染青縹是我家舊物魏武與楊彪書今贈青縹牀褥

三具即青
石染也

撚毛也者本書然蹂也方言撚績也韻集璫細縐也玉篇
璫毛為席輝名璫旃也毛相著旃旃然也急就篇旃裘鞣
鞣蠻夷民顏注以璫為裘王注匈奴傳被旃裘旃與璫同
周禮掌皮共其毳毛為璫以待邦事淮南子越人見毳不
知其可以為璫璫主得賢臣頌夫
荷璫被毳者難與道純絲之麗密

文六

獸細毛也從三毛凡毳之屬皆從毳

此丙切

此丙切

本書細下引詩毳衣如紉釋言毳屬也李巡本毳作毳
宋玉小言賦纖於毳末之微蔑韓詩外傳背上之毛腹下
之毳新序雜事篇君之會客六翮邪將腹背之毳也韋
誕筆經製筆之法傑者居前毳者居後虞世南白鹿賦素
毳呈采霜蒙應圖又
師于賦勁豪采毳

獸細毛也者一切經音義二三蒼毳羊細毛也說文獸細
毛也又十四字林細羊毛也周禮掌皮共其毳毛注云毳

毳毛注云毳

說文解字義證

卷二十五

𦣻

靈石楊氏栞

毛細絳者漢書鼂錯傳鳥獸毳毛顏注毳細毛也

𦣻

毛紛紛也從毳非聲

甫微切

文二

尸

陳也象臥之形凡尸之屬皆從尸

式脂切

陳也者釋詁文徐鍇曰李陽冰云尸展是也詩祈父有母之尸蹇傳云尸陳也郊特牲尸陳也曲禮在牀曰尸注云尸陳也禮統尸之爲言矢也陳也桓十五年左傳祭仲殺雍糾尸諸周氏之汪杜云殺而暴其尸以示戮也馥案論語肆諸市朝肆亦陳也莊四年傳楚武王荆尸宣十二年傳荆尸而舉注並云尸陳也成十七年傳皆尸諸朝注云陳其尸於朝又云一朝而尸三卿韓非引厲公語云吾一朝而夷三卿馥案夷卽尸周禮凌人大喪共夷槨冰鄭注夷之言尸也晉語秦人殺冀芮而施之卓云陳尸曰施又云從樂氏者爲大戮施韋云施陳也陳其尸也象臥之形者論語寢不尸包注偃臥四體布展手足似外人

𡩂

侍也從尸奠聲

堂練切

侍也者本書侍待也儲侍也履通作翼考工記匠人凡行奠水磬折以參伍注云奠水停水也

𡩂

蹲也從尸古者居從古

九魚切

玉篇有古文作𡩂汗簡作𡩂云見說文韓詩外傳孟子妻獨居踞孟子入戶視之白其母曰婦無禮請去之母曰何也曰踞漢書沛公踞牀令兩女子洗足而兒酈食其異物志麋狼角正四據南人因以作踞牀郭子王恬沐頭散髮踞坐胡牀魏志獵者失鹿帝大怒踞胡牀拔刀欲斬之後漢書魯恭傳蹲夷踞肆王延壽王孫賦踞免蹲而拘踞蹲也者後漢書郭太傳注引本書同玉篇大戴禮曰獨處而踞踞蹲也廣韻踞踞踞大坐論語原壤夷俟馬注夷踞踞待孔子邪疏說文云踞踞也踞即坐也古者居從古者當為古文居從立汗簡居見說文蓋解說古文之辭今闕古文而其辭誤入正文下也

𡩂

俗居從足

類篇作屣又於足部踞下注云案說文尸部居字云俗居從足當作屣今本誤作踞馥案徐鍇本作屣

眉

臥息也從尸自

許介切

黃君易所藏古銅印文曰莊眉

臥息也者本書隸下音訓並同一切經音義十一最眉古文𠂔皮𠂔反下義𠂔反西京賦云巨鼯最眉薛綜注作力怒也說文壯大也𠂔從三日從大眉說文亦臥息也字從尸從白聲從尸自者徐鍇本作自聲

𠂔

動作切切也從尸有聲

私劉切

動作切切也者廣雅肩肩不安也方言迹迹肩肩不安也江沅之閒謂之迹迹秦晉謂之肩肩郭注皆往來之見也又肩往勞也注云肩肩往來皆劬勞也祭義漆漆者容也注云漆漆讀如朋友切切迹漆切聲並相近爾雅肩謂之切昭五年左傳禮所以守其國行其政令無失其民者也而肩肩習儀以亟不亦遠乎漢書董仲舒傳凡所為肩肩夙興夜寐務法上古者又將無補與王莽傳晨夜肩肩顏注肩肩猶切切動作之意東觀漢記王良以疾歸復徵道

病過其友人友人不有見口不有忠言奇謀而取大位何其往來肩肩不憚煩也後漢書崔駰傳吾亦病于肩肩而不已也注云肩肩猶區區也閒居賦尙何能遠邇下色蒼而肩肩從斗筭之役乎後魏裴安傳京師遠遠實憚棲肩肩聲者惠棟曰書多士言桀大淫佚有辭釋文佚又作俗馬本作肩云過也棟謂肩當作肩與俗相近故誤作俗說文云肩動作切切也

𠂔

轉也從尸衰省聲

知衍切

轉也者經典作輓詩關雎輓轉反側釋文輓亦作展澤陂輓轉伏枕

𠂔

行不便也一曰極也從尸出聲

古拜切

行不便也者釋詁艘至也釋文孫云古肩字郭注方言亦云艘古肩字本書艘船著沙不行也一曰極也者釋言肩極也郭云有所限極詩湯靡所靡究節南山君子如肩傳竝云肩極瞻仰靡有夷肩采菽君子所肩箋竝云肩極也陳啟源曰詩小雅後予極焉箋云極誅也魯頌致天之肩箋云肩極也疏皆以爲釋言文今釋言云極誅也不云

雕也易困卦臀困于株木干寶曰兌為孔穴坎為隱伏隱伏
在下而漏孔穴臀之象也周禮鄉師巡其前後之屯故書屯
或為臀鄭大夫讀屯為課殿杜子春讀為杜後曰殿周語成
公之生也其母夢神規其臀以墨韋云臀尻也漢書東方朔
傳連雕尻顏注雕臀也崔鴻前燕錄慕容儁夢加虎鬚其鬚
隋書刑法志答者答臀綏君大昭曰廣雅脉臀也曹憲音卓
玉篇脉尻也案脉臀近脉蜀志張裕饒髻先主嘲之曰昔吾
居涿縣特多毛姓東西南北皆諸毛也涿令梅口諸毛繞涿
人與書欲署涿則失涿署涿則太涿乃署曰涿涿君先主無
髻故裕以此及之故案
借涿為脉借涿為露

髀也者本書髀股也今
俗呼尻為髀股是也

𦍋 𦍋或從囟隹

或從囟隹者本書雕𦍋也故疑髀
即雕之重出字因髀改為隹耳

𦍋 𦍋或從骨殿髀

說文解字義證 卷二十五

率 連鈞移叢書

從骨者本書
懈臂骨也

𠂔

𠂔也從尸旨聲

詰利切

𠂔

從後近之從尸上聲

女夷切

從後近之者本書曜日近也或從尼釋詰卽
尼也郭云尼者近也尸子曰悅尼而來遠

𠂔

從後相雨也從尸從雨

楚治切

從後相雨也者玉篇屈從後相
攝也從雨者徐鍇本作雨聲

𠂔

屈𠂔也從尸乏

直立切

屈𠂔也者廣
雅屈𠂔少也

𠂔

柔皮也從申尸之後尸或從又

人善切

柔皮也者本書鞣栗也玉篇𠂔或爲栗本
本書痲皮剥也籀文從𠂔廣雅𠂔弱也

辰

伏兒從尸辰聲一曰屋宇

珍忍切

一曰屋宇者本書宸屋宇也

𡩺

𡩺遲也從尸辛聲

先稽切

𡩺遲也者玉篇𡩺𡩺遲也今作𡩺釋詁𡩺遲息也郭云𡩺遲游息也舍人云𡩺遲行步之息也詩衡門可以𡩺遲傳云𡩺遲游息也北山或𡩺遲偃仰漢書楊雄傳靈遲遲兮顏音𡩺遲陶潛詩𡩺遲託為詞丁公著孟子音釋𡩺音西義與𡩺遲同息也久也字從尸下辛或作𡩺牛字誤也漢費鳳碑𡩺遲歷稔李翊碑𡩺遲不就繁陽令楊君碑𡩺遲樂志婁壽碑𡩺遲使衡門孔𡩺遲餘暇𡩺遲使並即𡩺遲

𡩺

𡩺也從尸非聲

扶沸切

𡩺也者玉篇𡩺草𡩺也字書草曰𡩺麻曰𡩺皮曰𡩺黃帝臣於則所造世本注草曰𡩺麻曰𡩺廣雅𡩺𡩺也釋名𡩺人謂𡩺𡩺曰𡩺𡩺皮也以皮作之方言𡩺𡩺徐竟之郊謂之𡩺周禮鞮鞮氏注云鞮鞮四夷舞者所𡩺也今時倡蹋說文解字義證卷二十五

鼓沓行者自有屨倍四年左傳共其資糧屨注云屨草
屨孟子有業屨於牖上注云屨屨也慎子有虞之誅以
屨屨當別漢書武帝紀朕間昔在唐虞畫象而民不犯顏
云白虎通云畫象者其衣服象五制也犯宮者屨屨草屨
也或借菲字儀禮喪服菅屨傳曰菅菲也又疏屨傳曰疏
屨者蕉蒨之菲也又繩屨傳曰繩屨者繩菲也曲禮苞屨
注云苞屨也齊衰蕉蒨之菲也釋文菲屨也又觀屨注云
無絢之菲也晏子問下篇考菲履漢書刑法志菲屨赭衣
而不純顏注菲草屨也鹽鐵論古者庶
人鹿菲草芟杜預喪服要集菲草屨



終主從尸從外

式指

終主也者玉篇在牀曰屨易師或輿屨石經作尸吳子偃
屨而哀之史記魯世家不如殺以其屨與之漢書漢遣使
至康居求谷古等外師古曰外尸也東觀漢記董宣為洛
陽卒官惟布被覆屨王洽表編戶僵屨葬埋無主通作尸
釋名既外曰尸尸舒也骨節解舒不復能自勝斂也周禮
凌人大喪共夷檠冰注云夷之言尸也尸之檠曰夷檠牀
曰夷牀衾曰夷衾移尸曰夷于堂皆依尸而為言者也隱
元年左傳贈外不及尸杜云尸未葬之通稱哀十四年左

傳將以尸入白虎通尸柩者何謂也尸之爲言失也陳也失氣已神形體獨陳柩之爲言究也久也不復章也曲禮曰在牀曰尸在棺曰柩

𡩺

劔也從尸者聲

同都切

劔也者一切經音義二十四引同廣雅劔居也燕策劔子腹及子之腸矣韓策技眼居腸尸子居割肉知牛之長少史記信陵君傳臣乃市井之人鼓刀以屠鹽鐵論屠者解分中理可橫以手而離也至其抽筋繫骨非行金斧不能波

屨

屨中薦也從尸葉聲

蘇叶切

屨中薦也者一切經音義三十二屨整腹令空薦足者也又十四云東宮舊事曰絳地文履屨白副今江南婦女猶著屨子制如芭屨而卑下也史記屈賈列傳章甫薦屨今漸不可久南齊書江泌傳書所屨夜讀書玉篇作屨

𡩺

居也從尸尸所主也一曰尸象屋形從至至所至止

室屋皆從至

鳥谷切

居也者當爲尸本書尸處也從尸得几而止尸所主也者釋詁尸主也書五子之歌太原尸位傳云尸主也康王之誥序康王既尸天子傳云尸主也詩采蘋誰其尸之傳云尸主隱五年穀梁傳卑不尸大功范云尸主莊二十三年傳以是爲尸女也范云尸主也成十七年左傳殺老牛莫之敢尸襄二十七年傳非歸其尸盟也杜竝云尸主也宜十二年傳彘子尸之杜云主此禍享記當其爲尸則弗臣也注云尸主也爲祭主也延篤戰國策音義尸雞中之主也注云尸象屋形者本書尸屋也從至至所至止者本書室下云從至至所止也廣韻引風俗通屋止也室屋皆從至者本書室與室屋同意

尸

籀文屋從尸

古文屋

古文屋

本書握古文作壘釋言握具也釋文李本作幄云居位處之具也案本書無幄字詩權輿夏屋渠渠箋云屋具也正義以

為釋

言文

屏

屏蔽也從尸并聲

必鄧切

論語蕭牆之內鄭注蕭之言肅也蕭牆謂屏也君臣相見之

禮至屏而加肅敬焉是以謂之蕭牆吳語王背屏而立夫

人向屏輩云屏寢門內屏也孫卿子天子外屏諸侯內屏

禮也外屏不欲見於外內屏不欲見於內也大戴禮踐阼

篇負屏而立盧注樹謂之屏雜記旅樹而反玷注云旅樹

門屏也明堂位疏屏注云屏謂之樹今倅思也刻之為雲

氣蟲獸如今闕上為之矣漢官典職省閣下大屏稱曰丹

屏向書郎舍雞舌香伏其下奏事皇侃論語義疏樹塞門

謂立屏以障隔門別外內禮天子諸侯並有之也臣來朝君

至屏而起敬天子尊遠故外屏於路門之外為之諸侯尊近

故內屏於內門之內為之今黃閣板障是也卿大夫以簾士

以帷又竝不得施之於門故當在庭階之處耳顧炎武曰

陳氏禮書曰古者門皆有屏天子設之於外諸侯設之於內
禮臺門而旅樹旅道也當道而設屏此外門之屏也治朝在
路門之外天子當宁而立宁在門屏之間此路門之屏也國
語曰王背屏而立夫人向屏此寢門內之屏也魯廟疏屏天

子之廟飾此廟門之屏也月今天子田獵整設於屏外此田
防之屏也晉天文志屏四星在端門之內近右執法然則先
王設屏非苟然也

屏蔽也者本書屏蔽也釋宮屏謂之樹李巡云垣當門自
蔽名曰樹詩桑扈萬邦之屏傳云屏蔽也論語邦君樹塞
門鄭注人君別內外於門樹屏以蔽之昭二十七年左傳
辟王之耳目使不聰明月令整設於屏外注云屏門外之
蔽郊特牲臺門而旅樹反玷注云屏謂之樹樹所以蔽行
道管氏樹塞門塞猶蔽也呂氏春秋季秋紀糞受車以級
整設於屏外注云屏樹垣也爾雅曰門內之垣謂之樹論語曰樹
塞門者也又慎行篇屏王之耳目注云屏蔽也淮南時則
訓皆正設於屏外注云屏樹垣也又主術訓天子外屏所
以自障注云屏樹垣也爾雅曰門內之垣謂之樹諸侯在
內天子在外故曰所以自障也白虎通所以設屏何所以
自障也示不極臣下之敬故也天子德大故外屏諸侯德
小所照見近故內屏風俗通屏卿大夫以帷士以簾稍有
節以自障蔽也示臣臨見自整屏氣處也晉書阮籍爲東
平相徹去屏障使內外相對又天文志屏
四星在端門之內屏所以壅蔽帝庭也

厝

重屋也從尸曾聲

昨稜切

重屋也者木書樓重屋也

文二十三

重五

厝

引

遺文一

說文解字義證

卷二十五

厝

連筠修叢書